

光海君日記

第九十五之頁

0868780
1022



國立臺灣大學圖書館典藏
248780 國家圖書館數位化

8. 9. 5

光海君日記卷第九十五

九月朔甲戌○乙亥生負李慶林等上疏請快施乾斷顯戮免逆巫
正館儒恟逐多士營護賊臣之罪荅曰省疏具悉○進士李從龍上
疏請治護逆之黨以剪羽翼嚴鞫大逆之魁巫正常刑荅曰疏辭具
悉○館學儒生許從善等上疏請命蘓鳴國面質景禧以敦謀逆之
罪而正其常刑又拿致李顯門等嚴鞫廢 大妃失人心救 大妃
得人心之說亦正其常刑○生負李顯門上疏請巫正免賊之罪又
治館儒護逆之罪 時柳朴之黨日景禧之獄欲攻爾瞻等儒生李顯
門許國等詣 國學欲上討逆之疏而爾瞻之徒方聚津中阻排不
納且曰汝等乃是三疏餘孽安得討逆乎三疏指洪茂績金孝誠鄭
澤雷等也顯門遽對曰汝等欲廢 大妃使主上失人心吾輩欲救
大妃使主上得人心三疏有何不可蓋鳴國獄辭中有云大北欲廢
大妃使主上失人心然後行其免誅云故顯門等以此為言爾瞻之
黨遂摘其語上疏言顯門等做出廢 大妃之言顯門亦上疏自辨

○丙子以林健為掌令韓績男為大司諫李偉卿為持平洪慶臣為
江陵府使鄭廣淑為兵曹叅議○丁丑罪人申景禧物故○幼學申

尚淵等上疏請治禁府曲庇逆類而次鞠李顯門許國等廢 大妃
失人心救 大妃得人心之說依律定罪○傳曰近日慶運宮內外
譏察等事日漸解弛兵曹實堂上及臺諫頻往糾檢○兩司大司憲
李覺執義朴楛掌令尹訥林健持平韓詠李偉卿大司諫韓纘男司
諫鄭造獻納任性之正言韓玉黃中允合啓曰近來義理晦塞倫紀
數絕人心極惡士習不正間有假托儒名免逆為心者以搆陷君父
為能事以曲庇私黨為得計鑿空做虛鼓動邪說惑亂群聽驚恠人
心如洪茂績鄭澤雷金孝誠趙浚等雄唱雌和前後投疏以不忍聞
之說詬辱君上周有紀極免辭悖語雖有彼此黃鼓之不一而其無
君不道之罪則少無差等孰為重也而獨竄遐裔孰為輕也而只加
削錮偃息在家有若無罪者然失刑至此奸賊無懲去草留根免徒
寔繁李顯門許國等皆以鄭澤雷免疏同叅人承其指族悖逆之言
至發於首善多士之會其言曰廢 大妃失人心聖上之誠孝出天
其於奉 大妃少無欠缺而謂之廢者何所據而言也謂之失人心
者亦何指而發也又曰救 大妃得人心 大妃有何可救之事而
得人心終欲何為聞之髮豎言之氣塞其言免慘其心叵測豈下於

李昌祿手舍氣血戴一天者義不可與此賊俱生請洪茂績鄭澤雷
金孝誠絕島定配李顯門許國等拿鞫按律定罪 王從之遂與沈

懌等同鞫○戊寅濟州安置罪人德龍死於中路○慶尚監司狀啓

請革罷李昌祿所居星州牧合屬高靈○己卯傳曰飲福特侍宴官

離次俯伏之節太煩令禮官議大臣講定奉慈殿洞口挾窠神輦詣

宗廟時侍臣出洞口外大路上馬○濟州安置罪人彥春死於中路

○窺金孝誠于珍島鄭澤雷于南海洪茂績于巨濟○答李尚毅疏

曰省疏具悉人心不測肆為兇言此實國家之不幸卿可安心勿辭

賊招以尚毅為大將故上疏自辨○以趙存世為分摠管吳翊為承

旨柳寅吉為大司成趙希輔為分承旨○庚辰中使宣傳官鳳山縣

文書搜來縣監尹珙拿囚 中景禧臨訊上言曾聞白翎僉使尹瑄鳳

山郡守尹珙與其族卞悌元卞忠元等謀為大逆欲令瑄藏兵海船

來泊西江許項亭下挑出 大妃懷抱仁城幼子潛歸島中立之則

黃慎南以恭等方誦海西可辨一朝廷云臣以此言傳於李爾瞻啟

嚴加防備此皆臣為國効忠之事因此又起一獄 王召問爾瞻爾

瞻對以不聞然逮捕回出獄事甚漫景禧在刑訊中凡五上逆變冀

以緩死皆不遂而竟斃於杖下尹趙楊時晉亦被訊而死
卒無承服者鳴國得保放趙姦細險毒以附婚申氏故得
締交爾瞻專以構害善良自任景禧得趙為瓜牙益鳩張
及其刑死人不以寬景禧受杖每大呼曰臣是討逆者也
大北人雖奴隸無一人為逆賊者豈臣為逆乎 王問曰
大北人為奴隸者誰耶景禧不能對○辛巳太白晝見○
繕修都監啓曰平安道各樣米穀督運差官前僉使沈訥
今當發送而時無職名付軍職給馬以送且公洪道米石
督運都監監役官尹侃亦當數日內下去而監役官職名
不重依宮闕都監時例即廳稱彌亦為給馬下送何如傳
曰允○李慶林李從龍許從善閔澈崔公望李國亮等上
疏啓下禁府○光州進士安徹等上疏請賜額故持平朴
光玉書院○壬午太白晝見○南平居生負羅元吉等上
疏請從祀曹植于文廟答曰從祀重事不可輕議姑待後
日○癸未傳曰受軸及呈才時駐馬處侍衛將士皆下馬
則前導侍臣亦下馬○甲申左議政鄭仁弘上劄曰伏以

臣不獨舊病尚未痊瘳足疾又作鍼治踰月僅得少差以
禘廟大禮已有日期故扶曳登道行到沃川足痛復作
鍼藥不效不免間或留調費了日子決不及大禮之期罪
戾尤極只俟誅責又有事係國家如救焚拯溺之急者而
臣雖跛躄入城又恐未易致身於違顏咫尺之地故敢先
具文字以聞古人有奏事榻前畢仍請更以文字進者以
口說不如文字之詳盡故也且念人臣以進言為忠國君
以納言為德故言雖盡未必可行而言苟不行義不歸上
臣取其名是亦古人之所恥人臣進言之不易有如此者
此臣所以只欲窺此於削藁之故事而已惟聖明垂察焉
臣聞曰接儒臣講明治道乃國君之所先竊見旱荒之酷
近古未有千野不苗萬井無禽殿下之赤子不但饑不得
食渴不得飲至於舉一村以乾水其呼天怨咨流移困苦
之狀有不忍見聞而湖西南道海之邑嶺南之江左一帶
三務尤不成民惟救死不得只待溝壑而已其中士家之
稍守節義而不欲苟生者或夫婦俱縊愚民之不子者或

棄子而逃生民之理窮矣而版曹又請不許災陳依舊收
下之稅徭役亦復如舊噫土田荒蕪無一穗一穡之收而
猶取盈舊稅之數此何理也公私俱竭賑飢無策只得立
視其死殿下為民父母將何以為心也九重深遠安上之
圖不進殿下豈知民窮至此極也民窮此極而繕修之命
又下殿下雖別有措備不煩於民其如了無畏天威之意
何然國計不可不慮則引水之地往往有稍可者此不可
比而同之伏願殿下急令該曹收不許陳災之令覆審應
稅之地仍舉救荒之規雖公儲不敷隨宜移粟明示憂民
之聖意則百姓欣欣然曰吾王之愛民如子有其蘊之氣
而忘其飢矣易所謂聖人感人心而天下和平者此也少
待三年天心少豫災異消絕流亡稍集民力稍紓然後乃
舉經始之役則雖命使勿亟功成不日矣臣臨行而祗受
聖旨有曰逆賊又起國事危急臣驚駭憂慮無以為心逆
賊踵起又出於縉紳之間彼景禧以忠勲之種反為謀逆
之黨不忠不孝萬死無惜但臣曾聞鳴國者亦不得齒人

數中久矣今與景禧交親甚密故知景禧謀逆及其有罪
囚係後覲免其死凡告逆實則固可饒其罪告逆而虛誣
者往往有之此先王所以嚴反坐之律也頃者被誣若干
人同日蒙恩放出告者反伏典刑此誠殿下明慎不留之
聖德也殿下執此之政堅如金石雖誣一人不實輒置之
重典而不貸則殿下之明威深得噬嗑之象而无悔矣不
然求以治逆而逆不可勝治求以弭亂而適足以致亂也
臣之赴命適值多事之時身又有病中道滯留徑陳狂淺
之見伏地待罪荅曰省劄知卿有疾留滯中路不勝憂慮
缺然劄辭當體念茅惟陳戒不如面對卿宜勿為待罪調
理亟來用副予側席之望旱災之慘予亦兢惕待卿之來
商議處之仍傳曰左相處遣史官諭之劄中所陳陳災救
荒等事令該曹着實舉行中景禧素附仁弘稱為弟子至
是以逆死仁弘平生以討逆自任凡干逆獄不問虛實枉
直一切欲誅鋤之前後章劄極其陰慘獨於景禧之獄力
持平反之論○傳曰大禮已迫天有兩徵明曉祈晴祭設

行似可令禮官議處○丙戌 王親祭 宗廟恭聖室告

皇朝詔命還宮時耆老儒生妓坊獻軸稱頌其妓坊之頌
難以倡優山車花隊窮極侈巧 王停輦終日以觀之故
令侍臣將士下馬還宮百官加資赦雜犯死罪以下○司
憲府啓曰臣等伏見禮曹公事侍臣及侍衛將士自儒生
歌謠廳下馬前行達于闕下云各處獻軸時承旨史官捧
軸而進於上前則其所下馬勢固然矣侍臣將士別無所
為故儀註中亦無下馬節次而只為承旨史官使不當下
馬之負皆為步行則其於禮節極為乖當請侍臣將士下
馬公事勿為舉行答曰令禮官議啓○司憲府啓曰當莫
大無前之慶有羽毛管籥之美臣等亦且欣欣矣第念久
駐奎輿耽玩停樂極為未安請即命停罷進發答曰既有
舊規使之畢呈其技可矣司諫院亦啓之不從○兩司合
啓答曰此是祖宗朝舊例舉行何妨勿煩○戊子全羅道
儒生李廷彥等上疏請拿鞠金璇等依律定罪以鎮湖南
士習○以洪命元為光州牧使特命黃謹中為同副承旨

○已丑司憲府啓曰承文院揀擇事因臺諫啓辭捧承傳已久本院恬不動念無意奉行其慢棄君命之罪不可不懲承文院行首掌務官請命罷職令見在官依前承傳速為揀擇 王從之○以李廷籲為同副承旨○壬辰政院

啓曰左議政鄭仁弘以科後謝恩之故秋等常祿該官雖已輸送而不為承受仍置所寓以行齋些少餘糧艱度朝夕去國家優禮賢士之道似當有別樣處置惶恐敢啓傳曰遣史官敦諭使之受用○傳曰分守道所求脛膺以真的極擇給送俾無後日又送差官點送之弊時分守道差官出來以揭帖求之○前留守洪履祥卒履祥初名獮祥後避兇人名改今名少受學於閔純以儒學顯在 宣祖

朝久侍經幄 宣祖稱為講官第一 宣祖命廟堂薦公

輔之器履祥與李恒福李德馨等俱被薦壬辰扈行力陳嬰律干政之罪請誅之由此忤旨數求補外以出為人端方溫雅論議不偏或過朝廷大議持正不撓至是棄開城留守興疾還家卒○癸巳司憲府啓曰奉化縣監金倪以

其子弟所奸邑婢上京之故督令還現仍為杖殺其父其
女將此枉死之寃呈于本府其父雖是官屬而以私濫刑
之罪不可不懲請命先罷後推以正其罪司果鄭百昌誘
訛朝政無所不至且以茂績之姪指族之事人無不知請
命削去仕版從之時爾瞻之黨恐史官書其實狀摘劾罪
過盡行斥逐悉以其腹心代之百昌書爾瞻罪惡爾瞻大
怒將起史禍賴救者止之至是日茂績疏喉臺諫劾之○
甲午兩司合啓曰大院君私廟親祭今將行禮臣等亦知
聖上進遠之誠出尋常萬萬固無容議於其間茅人君繼
統宗廟為重孝思雖發於情大義當止於禮豈可徑情越
禮躬行私廟之祭乎請亟停親祭之命荅曰予意曾已諭
之母容強爭二日而停啓○王謁聖取文科權啓等八人
○大司憲李覺大司諫韓纘男榻前啓曰親臨至近之地
不能牢結遮日竿而致令宰臣被覆壓之患請排設司鑰
及典設司當該官並拿推荅曰允傳曰李準權快無乃重
傷乎當藥劑給○乙未羅州居前判官金佑成上疏請以

曹植同祀五賢書院○丁酉司憲府啓曰義州府尹朴燁
為人暴虐視民命如草芥到處居官以殺人為能事近授
本州益肆其毒無辜被殺不知其數吏民驚駭相繼流散
關防重地日就無形至如剝割聚斂淫奸府婢乃其餘事
如此之人不可尋常治之請命削奪官爵○司諫院啓曰
義州府尹朴燁性本殘酷濫用刑杖到處殺人不知其數
及授本職益肆其毒小不如意輒加慘刑吏民之斃亦不
知幾許環府之民怨呼徹天其他剝民膏血希望爵賞私
奸府婢恣行淫穢不一而足所聞騰播國人齊憤請命削
去仕版荅府院曰朴燁豈至如此無乃風聞失實乎唐差
官方在我境此時不可削版勿為煩論連啓不從至十月
十六日諫院停啓十九日復發連啓○辰時 王詣社稷
洞大院君祠廟親祭○戊戌傳曰親耕親蠶等禮國家多
事久未行之豈非欠典乎明春當行待新曆擇吉以啓凡
應行儀節預先磨鍊整齊以待○荅府院曰朴燁到處任
怨力於國事予慮其難保今果然矣姑推考使之自省盡

職○荅領議政奇自獻劄曰者劄具悉但此時鞫獄方急
卿何可下徃外方宜調理以待後日○遼東分守道差官
任九圍開原兵備道差官夏延壽入京持兩道求膺臍
咨而來○傳曰上番軍士飢死者別樣賑救○己亥備邊
司啓曰仁川船隻行過舒川地為賊所掠男女并十五名
溺死所載之物盡為掠去虞侯柳津軍官金孝儉等托稱
海風不順終不追捕罪犯軍律並命拿鞫水使難免其罪
推考何如 王從之○禁府啓曰有旨以英一事領相
處畢收議事矣奇自獻以為即見他大臣之議則或以為
臺諫啓辭扶植風教依施甚當或以為罪犯極重大關風
教不可饒貸祖宗朝士婦失行豈無遇赦之時而未聞混
被蕩滌之例此亦可驗云臣無容別議大臣之意如此上
裁何如傳曰知道左相處並收議以啓○庚子合啓秘密
事入啓荅曰依啓○傳曰唐息君引齡超資寧堤君錫齡
珍山都正有齡密山都正滌唐息寧堤君長子並加資其
餘諸子並望職唐息君長孫李挺翰相當職除授○以李

弘燁為持平鄭廣敬為修撰尹訥為執義金蕃國為注書
柳忠立為應教韓明勗為掌令權啓加通政李益燁為副
校理孫侗為副應教李命男為弼善○知館事李爾瞻啓
曰曹植書院基址今卜於揚州西面距京城三十里四面
之內無寺刹墳墓村家其形止圖畫以入欲於今月晦日
間開基豎柱敢啓答曰知道自古建書院者甚多而未聞
若是之煩複啓達者也至於畚耒形止開基豎柱之日亦
為煩啓死而有知曹植亦必羞之矣○辛丑大司憲李覺

大司諫韓縝男司諫鄭造掌令尹訥林健持平李偉卿正
言韓玉啓曰國家不幸告變相繼鳴國謂景禧言定遠君
第三子為逆景禧謂鳴國言定遠茅二子為逆景禧又謂
安錞言仁城之子為逆三說迭出莫知端倪但佺等三人
俱出於告變之口同被此名則王法至嚴在所當覈不可
如是遲延請令鞠廳速為議處以竟獄事答曰依啓○癸
卯傳曰左相上來已久連有國忌私忌舉動陰雨不得引
見深用未安待日勢稍晴命招引見○大司憲大司諫啓

辭秘密事答曰親鞠時獻議○庇仁幼學南詔上疏請速
引見左相信用治國之道○答右相鄭昌衍劄曰事係大
逆不須引避於不當避之事也况他二款尤非所可避之
事勿辭安心議啓

光海君日記卷第九十六

卯乙

十月朔甲辰荅左議政鄭仁弘劄曰予之待卿久矣自卿入
來連有 國忌與舉動繼之以天雨累日尚未遂一者利見
常用耿耿今省陳劄不勝缺然宜勿更辭安心調理弘濟時
艱今日當見○引見後賜豹席貂帽賜酒○合啓朴彞叙等
事兩司前啓李應獬事查覈問姑停○乙巳以姜緯為持
平李廷龜戶曹判書孫個弼善尹聖任奉教南省身待教○
丙午傳曰辦備米穀之策急急與廟堂詳議著實措置○
光州幼學朴縵上疏陳達 贈承旨鄭雲龍事迹○幼學權
翼上疏請追斬逆賊申景禧以快神人之憤○丁未承文院啓
曰本院新來揀擇必待備負圈點三公合坐然後為之乃是古
例也頃者臺諫請以現在官改揀擇事奉承傳所當趁速舉
行而本院官負只有權知數人實官則時無一負見存勢難仍
為揀擇姑待實官改揀擇何如傳曰允○司憲府啓曰西原
縣監尹知敬到任之後無意察任日以醉醜為事且好邑妓貽
笑吏民如此之人不可仍在其職請命罷職歲饑民貧凡千

浮費不可不十分減省使命供億之際厨傳大修至於高排蜜
果務為觀美其貽弊於民者不貲令該曹詳定咒數俾無濫
觴之患守令衙眷例比日濫率耗費國穀剝割膏血之弊實由
於此不可不痛禁令監司查覈啓聞治罪新舊迎送從馬之
數自有定限而任意調教固有紀極倍價雇立吏民怨咨亦
令監司詳定人馬之數痛革此弊凡此三款之事已成痼疾不
可尋常禁斷請將此事意下諭各道監司使之嚴立定規遵
依施行以紓生民愁怨之苦○兩司連啓前事答曰尹三聘
削奪官爵申潔已為定罪勿為堅執秘密事再次鞫問參酌
定罪今不必更鞠不允○荅府院前啓朴燁事曰自古盡心職
事者必致毀謗風聞何可盡信只推考可矣他餘事依啓○
戊申禁府大臣收議秘密入啓○前刻道守鄭應禮上疏大槩
時事紛紜多少之事問于左相一遵施行○下諭于八道監司
曰歲饑民貧一至於此凡于浮費不可不十分減省使命供億
之際厨傳太侈至於高排蜜果務為觀美其貽弊於民者不
貲卿其詳定咒數俾無濫觴之患守令衙屬例比皆濫率耗費

國數剝割膏血之弊實由於此不可不痛禁卿其查覈啓聞
治罪新舊迎送時從馬之數自有定限而任意調發固有紀
極倍價雇立吏民怨咨卿其詳定人馬之數痛革此弊凡此
三款之事已成痼疾不可尋常禁斷卿其嚴立定規遵依施
行以紓生民愁怨之苦○下諭于全羅監司李德洞曰前兵
使李應獬杖殺哨官崔弘潤全船物貨現投於法府卿其覈
實馳啓以憑處置○下諭于慶尚監司成晉善曰逃兵唐人
施文龍最解地理云卿其給馬急速上送施文龍粗曉方書鄭
仁弘妻以姪女至是薦之以備卜審宮基○己酉戶曹啓曰京

倉見貯米豆十分竭乏京畿黃海公洪三道田稅及三手糧等
十月頒祿前上送事已為入啓行移矣頒祿之期只隔數日而京
畿數邑之外各道稅入專不來納江水之合迫在目前不念國家
燃眉之急極為駭愕三道監司請並推考數日內急急上納
其中尤甚緩慢各官摘叢啓聞罷黜事下諭禁軍給馬叢
送為當傳曰允○庚戌政院啓曰以推鞠廳啓辭禁府堂上
兩司長官亦令獻議事命下矣兩司長官則以親鞠時獻議命

下而禁府堂上不為獻議即令獻議乎傳曰明日大臣禁府堂
上兩司長官齊會議啓○政院啓曰左議政引見時左議政所
啓繕修之役姑停以待豐稔更設事嚴反坐之律杜誣告之
門事誅李雲祥以答天怒事為不軌之言者雖儒生罔貸事
守令邊將黷汚之法申明事嶺南巡察使屯田外措備等穀
救荒事承旨金闔所啓邊將守令別措備軍器抽柱某郡遣
御史輸來親點精銳還收賞格治其欺罔之罪事公洪道各官
以盲人所告辭連在獄者疏放事革罷統制使以二品文官差
送兩南開府海上料理舟師脫有僣警擇付水使拒敵事收
用人才內外迭差使知民間疾苦邊上事情事防備緊急兩
界一體而以稍稔之故平安道偏受徵歛若至蕩竭則難可易
蘇竅通善處事聚歛民粟名為別備購捕鼠竊飾報大
僮爵賞太濫皆是近間巨弊事無叢落取稟傳曰左相所
啓既以當體念答下此等事只自上知而察為更無可答之語
至於繕修之役予非樂為也自內雖有切迫欲移之事無可移
之所近日亦於大內有故而不得移銜自內方為切閤勢不得

不措木石已辦决難中止令繕修都監別加詳議俾無民弊
事者實舉行救荒事言于該曹回啓統制使之設在先朝
意非偶然不可輕議○辛亥司憲府司諫院合司啓曰義理
晦塞倫紀斃敗無君之後接迹而起詬辱君父無一不至此
無非邪議橫流常刑不嚴之致也前參奉李顯慶曾於象
會之中敢肆犯上不道之言至曰鄭蘊義士也有何罪乎吾
君已死三賊在闕我則無君云云所謂吾君已死者指何而言
所謂三賊在闕者指何而言所謂我則無君者亦何意耶其言
之不道至於此極而近侍之臣有親聽而言者如此凶逆之賊
豈可使容息於覆載之間哉請李顯慶亟命拿鞠按律定罪
王從之○右副承旨金闔上疏曰其臺諫所論前參奉李顯
慶亂逆不道之言的實生負尹理等上疏曰前參奉李顯慶犯
上不道之言亦既參聞云○壬子大司憲以下大司諫以下啓曰
李顯慶大逆不道之言始發於金闔家而參聽者多至播於
泮宮之儒而物情皆憤故昨日兩司因其所聞合司以啓矣伏
見金闔上疏有曰言於臺官使之發論云有若指斥兩司者

然臣等或因金闈得聞其詳討逆大論豈但以闈言而戮乎
臣等雖無狀何敢見侮至此而仍為冒據乎請命適斥臣等
之職荅曰勿辭○右副承旨金闈上疏曰昨日上疏中失語以
致兩司引避臣治罪罪荅曰勿待罪○癸丑都承旨權縉上疏
曰義禁府都事成忻家行悖惡得罪倫紀不齒人類累戮
於法司之風聞者國人所知及授本職臣竊歎公論之派減出
入院中不忍正視其面且其為人愚鈍不識事理常加叱責則
忻舍沙懷毒必欲中傷捏造情外之說傳播士夫之間睚眦
必報惡人常態而比皆緣臣貪戀榮寵久妨賢路之致乞賜
鑄鼎以全終始之恩荅曰勿辭察職成忻推考○傳曰世子師
傳賓容相見時依禮文具服行禮宮官並着公服○傳曰
唐人方留京係干推鞠事一切勿出朝報○以任叔英為承
文博士慎天翊正字李景稷兵曹正郎柳希毅直提愼子李
益燁吏曹佐郎朴鼎吉兼文愼子趙有道典翰鄭廣敬副校
理吳汝樞司書李弘燁副修撰李興立全羅左水使○甲寅
政院啓曰右副承旨金闈呈疏出去後今日仍不仕進請命

招使之親鞫入侍傳曰允○政院啓曰都承旨權縉昨日上疏
出去即今呈辭到院則因傳教不為入啓矣但今日親鞫時以
色承旨不來敢啓傳曰命招○司憲府啓曰頃者左議政臣
鄭仁弘登對之日自上竭盡誠敬咨訪治道誠千載盛舉也
入侍承旨金闔敢以膚淺之言瀆擾其間使聖上虛己之聽
有所未專猥濫甚矣且前日上疏中措語無謂有若指揮
臺諫者然其不識體面事事顛妄之罪不可不懲請命罷
職答曰金闔推考翌日連啓遠差○兩司合啓頃日左議政
臣鄭仁弘收議中有三賊賊漫等語筆法甚嚴有非他人所
可刪改都承旨權縉去三賊字而只書姓名又去賊漫之賊
字而直書曰趙漫蓋惡其賊字而刪之者其心所在有不可
測承旨為任職司出納而已尋常公事猶不可加減一字况大
臣收議渠安敢擅改以啓後日無窮之弊乎其慢蔑大臣容
護諸賊之罪不可不痛懲請命削奪官爵門外黜送以都
承旨啓辭僚議歸一而掌令韓明助乃敢於簡通中多費
辭說沮遏公論極為無謂請掌令韓明助罷職答曰不允

翌日連啓權縉適差○乙卯傳曰權縉擅改大臣之語則政院
他負必有見知者何可誣也政院察啓○丙辰傳曰大臣日晚
不來並命招○兩司合啓曰權縉罪狀臣等論之備盡而聖
批只以推考為教臣等不勝悶鬱焉大臣收議中有三賊賊漫
等語筆法甚嚴有非他人所可刪改而縉也有何別見必刪
去賊字乎縉之心不可測也承旨之任出納而已尋常公事猶
不可加減一字况大臣收議渠安敢擅改以啓後日罔測之端乎
以縉之故大臣不安於位至欲決其去就臣等尤不勝痛悶焉
以聖上如渴之誠起巖穴霖雨之佐雖比之伊傅無愧也明良相
遇千載盛際而因縉護賊之舉使白駒不留於場苗則其於
聖上待賢之道何如也其於朝野加額之望何如也縉之慢慈
大臣容護諸賊之罪至此而尤大臣等區區之請不但在於
罪縉也請勿留難亟命削奪官爵門外黜送 王後之○司
憲府啓曰草星州屬高靈土地之大人民之象八道中為最
治此邑之任甚重申景汶蔭官也其才兇在高靈則或能察
職合邑之後決不可仍授此人况星州士子極多耶議之橫潰

近日尤甚非名望可以彈壓者則其何能鎮以正之手請景
汶適差其代曾經臺侍勒幹正直之人別為擇遣 王從之

○政院啓曰大司諫韓續男移拜承旨以臣長參鞫之意敢

啓傳冕司諫命招未入來前正言韓王先為入侍○荅左議

政劄曰省劄具悉權縉以何所見敢改卿片言隻字予當

快治其罪以尊體面卿可安心勉留匡予不逮弘濟時艱○

傳曰此豈大臣稱病之時乎領相速為命招左相勿招○丁

巳荅戶曹判書李廷龜劄曰卿年紀不衰精力富強曾在

先朝能察度支之任已試之效茂著一時論議有何所傷勿

辭盡職○司憲府啓曰星州屬於高靈而星州士習近來甚

惡難以鎮定故臣等以正直人擇遣之意入啓蒙允矣新除

授縣監沈諱為人不吉論議亦妄以諱為欲正其習則是以

塗附泥也明義鎮邪之責決不可付諸此人請命適差其代

依前啓辭以正直之人別為擇遣 王從之○司諫院啓曰凡守

令彈劾之時自上軫念民生迎送之弊又慮風聞之失實聖意

所及至矣盡矣然有一二人傳播之說有舉國公共之論一二

人之孰猶或有失實之事舉國之論寧有誤聞之理乎高陽
郡守權成已到處貪婪之狀國人皆知曾以湖邑卷剝膏
血而來至今人皆唾罵至比於盜跖及授本職自知裒耗不
能久保到任之後巧作名目專事剝割加以么麼一蔭官廣
集邪議之後日以謗訕朝政誣毀忠良為事完慘莫甚所當
重律繩之而臣等以為七十充悖之言不足為較只以罷職請
之豈有一直毛私意於其間有何傳聞失實之理乎義禁府都
事成忻以大臣收議公事來呈於政院而權縉擅自刑改則
忻所當具由還告於大臣忻徒知縉之可畏不知大臣體面
甚重終不來告任他自改而入之其不察職事之罪不可不
懲請命罷職○罪人李顯慶軍咒寺前路西刑 李顯慶固
愚妄者也然以鄭蘊為義士而至於正刑則亦甚寬矣金
閨以里閨親交相後飲博而因一言構成極罪宜其及也

庚申傳曰五禮儀世子師傅賓客相見時具服衣者乃謂具
遠遊冠絳紗袍也世子若不具此服則宮官亦以時服陪侍
行禮不可着公服也令禮官議處○館學儒生李歲等上

疏請亟斬顯門許國等以定國是又正以恭亢翼之罪以絕
亮逞之根源○司諫鄭造正言韓玉啓曰待罪言地莫補
絲毫論事不切誠未格天奉職無狀罪合萬死南海罪人
成俊者造給家言之守令得保在官使蔑法跋扈安
居深閣之罪人晏然偃息臣等矇然不察未即糾劾不職之
失在所難免至於義州府尹朴燁多殺人命淫奸府婢恣
行貪饕罪固罔赦而久未蒙允臣等徒知上下相持之為
未安而寧爾停啓矣今聞物議府有一婢乃燁所好之人
燁以書狀官崔應虛曾私此婢與之同餞于鴨江及其餞罷
乃以其婢結縛沉江繫船往來云蓋不勝妬忌之心而為此無
理之事燁私好之狀益著無疑且府別監李春叢之子弓馬
之技為一府第一而燁因怒杖殺之有戶長吏聞燁欲杖自縊
於官門此殺人之昭著也其他被杖殞命不知其幾且大同屬
驛名馬以賤直抑賣而奪之遼東軍價布盡為質參於江
邊以為入己之資此其貪取之實狀也物情諱然以臣等經先
停啓為非臣等所失至此尤大決不可仍冒請命罷斥臣等

之職荅曰勿辭退待○辛酉右議政鄭昌衍初度呈辭入啓
荅曰自上方患寒疾而冒寒親鞫則大臣雖或有微恙此時
豈可呈辭調理參鞫事諭之遣內醫者病○寧越儒生嚴
慎上疏曰本郡有麥穗兩歧之瑞請書諸史冊以紀聖上德
化之盛仍褒郡守治績呈政院還出給瑞出於不當出之時
則恠也非瑞也山峽淳朴之鄉必無如此巧佞之人無乃太守之所
指揮耶○兩司合啓曰罪人成俊者以永慶腹心論以減死安
置絕島國法至嚴不可私撓而豐川府使鄭山雷前為南海
縣令時為俊者營造大屋撤毀圍籬事之實狀昭著於慶
尚監司查覈之啓守令安得為罪人役民造屋罪人安得
撤其籬偃息自如乎其無君上蔑王法之罪石可不隨現痛
繩請鄭山雷拿鞫定罪成俊者移配北道絕塞荅曰徐當
戮落○司憲府啓曰端川郡守朴孝誠與罪人李惟弘結為
婚媾惟弘以永慶腹心安置絕塞則士大夫義當絕之而敢
與逆僮作為一家其蔑王法輕朝廷之罪不可不懲治請命
削去仕版從之○司諫院啓曰義州府尹朴燁性本殘酷到

處殺人不知其數及授本職益肆其毒小不如意輒加慘刑
吏民之斃不知其幾許深府之民怨呼徹天流入他境意外不
測之變有不忍言其他剝民膏血希望爵賞私奸府婢恣行
淫悖之事不一而足所聞騰播國人愈憤請勿留難亟命削
去仕版荅曰所論過矣不允○癸亥兩司合啓曰臣等伏見昨
日聖批以徐當叢落為教臣等之感滋甚焉罪人成俊者
以永慶腹心論以滅死安置絕島國法甚嚴不可私撓而豐
川府使鄭山雷前為南海縣令時為俊者營造大屋撤其
圍籬偃息自如乎其無君上蔑王法之罪極為駭憤事之
實狀既已昭著於本道監司查覈之啓有何可疑之事而持
難如是乎請鄭山雷亟命拿鞫定罪成俊者移配北道
絕塞不從連啓不從○荅府院朴燁事曰徐當叢落遂姑
傳○丁卯傳曰朴燁權成已李執中事令本道覈實以啓
事下論○戊辰荅右議政鄭昌衍再度呈辭曰辭章又至
深用驚恠卿以同休戚大臣詎忍為辭退之計乎宜體予意
調理出仕○傳曰左相處遣內醫不離者病○荅左議政劄

曰省劄足見所陳誠悃深用感歎予當體念以行但寒節已深
決不可冒寒下歸宜遵前旨勿為退去之計○壬申左議政鄭
仁弘上劄乞歸○荅合啓曰三聘渫等與德龍彥春有異矣昔
在先朝申景禧誣告殺人甚多而其時不施反坐之律先
王之意可想矣三聘等况已定罪勿為煩執罪人入處家舍雖
或樊壞守令擅改造家果有妄作之失然至謂傑構則過實
矣鄭山雷罷職成俊者都事改排圍籬則何必改排乎不允
秘密事不允

光海君日記卷第九十七

九

十一月朔癸酉傳曰針醫南嶸守令待闕速為除授○傳曰施文龍已為上來自都監題給糧饌先不昌慶宮殿閣後無故日都監提調以下中使眼同景福宮內外殿向背亦詳問以啓○兩司合啓雲祥貢何等罪名尚未一俞貸保亮喘也爭立之說郡縣之請無非此賊行謀逆肆之賂銀故也再出賊口一不栲訊物情久而愈憤請命更鞠按律定罪答曰已論勿煩此秘密事也○司諫院啓曰竹州山城

在湖嶺兩路要衝備禦最重故自先朝以有才望文官擇送其意有在新府使許昕年踰七十衰病日甚及授本職物情駭怪畿輔重地決不可付諸此人許昕請命適差其代各別擇送答曰試遣可笑姑勿煩論連啓一日從之○以李穡為兵曹叅知林健為掌令任孝達為兵曹正郎李再榮為承文院校檢任叔英為奉常直長○荅左議政鄭仁弘劄曰省劄尤用缺然卿千里上來其意甚懇予常慰喜不圖三辭之計邈邈至此予無以為懷曾在先朝卿未嘗不供職願予待卿之誠不至使卿不肯一日荏苒竊愧于心况復催還懇迫將何以得永今夕乎慚悵慚悵劄中所陳王法為貴勢所屈天討為私情所

勝饒討逆貸贓污四款未知指何事也更為明白逐條陳啓以破子
家可矣獄事將完素患寒疾當調理開筵宜體予意勿下去○甲
戌畿禁府啓曰近者定配人數多想一路人馬不足禁府都事無論
真假帶行書吏羅將貽藥各官各釋者從重治罪且定配處所各有
日限一二月稽留則容或勢然三日四日稽留則其中路淹延多端
依弊之狀不問可知都事等復命日令政院程達與日子相准稽緩
者必輕重治罪事捧承傳施行何如傳曰允○撰集廳啓曰撰集廳
設於前年七月而至今年六月則其間刪改弘文館所撰選傳該解
或以冊子大小見樣或以文字取舍論議不一而以費十餘朔日子
自今年七月因傳教始為圖畫畫工四人或有替代或有公故不能
計日而畫寫字官四人皆以承文院書正本者來書當事大文書時
則皆役於本院或至十餘日廢在廳之役以此畫役書役不易累承
嚴教臣等不勝惶恐刻日董役而今十月初六日已為畢役總一千
五百餘丈釐為十七卷每卷編九十餘丈通計圖畫月日則總四朔
餘日而畢矣畢後後校正誤書處方書目錄待近日畢校提調以下
各一番遍閱後當緝繕以進矣○乙亥備邊司啓曰今年凶歉振古

所無下三道為尤甚當此收成之節已有艱食之歎流亡載路聞見
慘惻若至明春則又有甚焉自前如遇大無之年則必以重臣勾管
荒政今亦依舊視重臣一負稱以賑恤使從事官一二負差出救荒
之事及時料理俾無捐瘠之患傳曰依啓○義禁府啓曰濟州三邑
則罪重之人例為定配故罪人李禎慶定配於旌義矣今聞禎慶曾
為縣監心與吏民相親不無貽弊之事他邑改定配宜當敢稟傳曰
依啓○義禁府啓曰有旨尹百順緣坐察啓事矣大明律謀反大逆
條伯叔父兄弟之子不限籍之同異皆流三千里安置云以此見之
則律應緣坐矣但逆賊尹錡之父百祥當以緣坐處絞而因次律之
命得保不死今將三千里安置次次遠減庶乎刑章有序敢啓傳曰
遠減則其律幾何更為察啓百順錡之嫡叔父也禁府回啓尹百祥
特蒙恩宥減死論律尹百順既有緣坐正律臣等不敢擅議恭候上
裁荅曰勿為緣坐○丙子政院啓曰即刻禁府都事來言領敦寧沈
喜壽當為來詣而領議政竒自獻則以景福宮看基事已為徃于其
處左議政鄭仁弘右議政鄭昌衍皆以病不來判義禁朴承宗亦徃
繕修都監云矣傳曰領相判義禁命抬推鞠景福宮則無故日徃省

○傳曰三綱行實雖未枉橫覽後還下次一件入之○以鄭豈為左副承旨黃謹中為同副承旨李大燁為獻納鄭遵為司書○已卯傳曰自祖宗朝推鞠既設之後則大臣禁府堂上刑房承旨無呈告之例矣近日國綱蕩然推鞠方張之日人人惟意呈告世變可知然老病大臣猶或可諉而至於禁府堂上刑房承旨或呈辭或上疏此果有人臣之義乎至於承旨則一人呈告一人上疏今又刑房承旨上疏乞逋此古所未有之事也有何急急可退之義而惶惶若此乎韓續男上疏還出給使之盡心察任○司諫院啓曰晉州為邑乃嶺南雄府也自前必以有名望文官擇送其意有在而自經亂以後尤甚蕩敗姑為陰弊以兵使兼察牧使之任非徒事躰苟且武夫為政例多苛猛民不堪苦悉譴日滋求所以蘇殘遠足以貽弊請牧使依前復設擇送勿令兵使兼管使之各察其任答曰徐當蒞落○左議政鄭仁弘上劄荅曰省劄具悉卿意四款所陳予已參酌情法查覈事迹熟量而處置矣今見卿誨良用惕然予當躰念卿雖百辭予女不許切勿為歸計安心調理勉留以輔不辟克副如渴之望予疾痛未歇當調攝數日面諭予意○宗簿寺啓曰恭聖王后徽號尚未正書

於璿源錄當為啓請急速修整而都提調仁城君珙久未出任提調
閔馨男赴京未還待提調齊會後啓請施行之意敢啓傳曰依啓

○傳曰鄭期遠不為收錄於忠臣中乎問于撰集廳○庚辰兵曹啓

曰京外軍功納粟戰亡者之子五品以下及賞賤受帖者團聚為兵
稱為忠壯衛踈其番次逐月相替關外西北兩營各准五十名輪回

今守晝夜譏察外間雖或有刺設苟且之議而扈衛之賴此輩弘多
今朔黃海道上番都目至今不送許多忠壯衛等知其番次贏糧上

未虛費日子在在踈訴不得已從時到點下矣宿衛重事虛踈莫甚

兵使李慶深推考何如傳曰允○傳曰文政殿乃法殿也以圓柱造

立似當今乃以方柱造立未可以圓柱改立字詳議以啓事言于繕

修都監○傳曰晉州自何年因何事以兵使兼牧使字其特公事詳

察考入○傳曰左相鄭仁弘慶賜几杖令該曹考例舉行○判義禁

朴承宗上劄曰伏以嚴命三至臣罪萬死適寒疾苦重兩臂麻木今

方以針以藥畧刻少近可望再生眩暈顛仆無任瞻天悶迫之至答

曰劄辭具悉推鞫未完可調理速出○政院啓曰注書金是柱左相

鄭仁弘慶枇峇責去諭之則鄭仁弘曰今承勉留數日後面諭之教

不勝惶恐但小臣不能運步戶庭之間尚不得任意出入且全廢食
飲筋力衰盡雖欲強起而勉從入侍之命其勢決不可得也明日當
再陳劄子云矣傳曰知道○辛巳戶曹啓曰庶孽許通老賊追贈納
銀事上年秋因 天使先拜事目以銀子磨鍊啓下矣今亦以銀子
稍減磨鍊至於外方銀子難辦處則木綿准銀價捧納亦似無妨敢
啓傳曰依啓如有不時之用白金數千兩速為措備以待○以鄭廣
成為分承旨鄭廣敬為應教朴弘道為吏曹正郎任性之為持平朴
鼎吉為吏曹正郎柳活為校理李弘燁為副校理柳淪為兵曹佐郎
○韓纘男以委官意啓曰罪人論伊壓膝不服敢啓傳曰知道罪人
黃中允所供如此敢啓傳曰議啓以黃中允招辭見之則只答金夢
虎所言而已別無自己倡說之言更無可問之事放釋似當與金夢
虎面質後處置為當傳曰依啓朴千議啓事傳教矣年少病殘之奴
景禧雖有亮謀豈得知之景禧欲剪除鳴國則已為現著至於欲為
剪除之意則必不謀及於迷劣之奴且是不出於鳴國初招出於最
後沈憬事詰問之時其言有不足取實自現就囚亦或可恕伏惟上
裁傳曰朴千與蘓鳴國面質處置○司憲府大司憲李覺掌令林

健鄭道持平李偉卿等劄曰今之國勢可謂急矣人心可謂危矣
民生可謂戚矣邦之掣抗事之滅裂已到十分地頭顛覆亂亡之
兆不啻土崩而瓦解識者之憂豈特流涕痛哭而已哉然危棋敗
局尚賴一着梁摧棟折寸木可支此臣等所以瀝血剝肝庶幾有
為於不可為之地者也職忝耳目其責在言不得不隨事論列而
誠未回天動輒扞格竊常痛悶事無奈何不如不言而陪危之狀
日急一日不忍効投効之去更竭叩闕之辭惟聖明留神焉一日
臨御經筵先儒曰君德成就責經筵又曰人君以講學為重蓋
君德不可一日不修而聖學不可一日不講禹臯陳謨伊傅訓
誥誓御之規工師之誦無非贊襄君德輔導聖學此即古之經
筵也程明道之正心朱晦菴之誠意司馬公之通鑑胡安國之
春秋乃其所進講者也惟我朝有朝晝夕講又有夜對輪對一
日之內講究治道乃至於此豈非所謂接見臣僚之時多昵近
婦寺之時少者哉伏見殿下臨御以來進講之禮久不修舉恐
非朝夕論思日月獻納之規也况今國事之危日以益甚此正
君臣上下都兪吁咈交修相戒之不暇而經帷不闢進學無期

羣情壅閉上達無路聖上之勞神疲精者鞫獄而已刑法而已
此豈朝野之所顯望者耶伏願殿下遵先王之成憲昭聖代之
盛事日接鴻儒講究治道則有緝熙罔覺之功無叢脞惰墮之
患矣二曰收用遺材書曰明明揚側陋又曰立賢無方揭筮求
士設簞待賢三代之治而漢唐之主尚有孝廉賢良之舉則國
家之需才人君之用賢其可忽哉蓋士之潔身修道不肯自衛
者世多有之或隱居以求其志或回避以勵其槩或有垢俗疵
物者或有嘉遜忘世者或有不屑科目甘心畎畝者或有羞耻
于冒歛迹草野者自 祖宗朝有搜拔逸民之舉而 先王臨政
亦設經明行修不次擢用才堪守令等條目錄盡收羅之道當
世羣才蔚然並出豈非善人為國之楨者乎噫賢不能自達必
因人而進君不能自知必因人而用故鄉舉里選求賢勸駕之
法前代詳矣今之用人科舉而已蔭補而已士習日壞人才日
卑進仕者有苟得之譏當官者多虛冒之誚朝著之不清庶績
之不凝無足恠也伏願殿下廣開延訪之路旁招岩穴之士以
致茅茹彙征野無遺賢則非獨為得動作新之方其於致治康

濟之具將不讓於隆古矣三曰賑恤飢民詩美靡人不周書稱
懷保惠鮮蓋救災修政散利委積乃周官荒政十二條列而其
意則無非以賑恤之誠為本也先儒曰災異出於天而救災之
道在人善救災者不患於救災之無其文而患於救災之無其
實故先王保民救荒之道有備有素經久之規權宜之策並行
而不悖臣等竊見酷旱之餘民生大困湖嶺之間濱海之邑流
離顛仆餓莩相望至有父子莫保夫妻相縊之慘哀我赤子悲
號殞絕之聲殿下何從而聞之蕩失生業籬落空虛之狀殿下
何從而知之君以民為天國以人為本邦本民天既已拔矣禍亂
之作其忍言哉伏願殿下哀矜惕厲特命有司冗薄征弛役移
粟菽倉等事務盡其實實勿循虛文則庶可仰答天譴俯慰民望
矣四曰減省浮費書曰底慎財賦易曰節以制度蓋大學象
寬疾徐之訓史傳勤儉息奢之論為生財理財之大節周官
既設中制又有九式又置均節茲固非義不取非禮不用以義
為利以禮制奢者也方今下有阻飢之民上無終歲蓄蓄而不怠
之務無藝之費固有紀極倉庾見儲蓋亦無幾而田野之荒

蕪戶口之流亡又不知其幾何則貧則瘠瘠則亡之語不幸將驗於今日矣此正損之又損節之又節之不暇豈可昧戒於時屈舉羸乎伏願殿下察保邦之道念用財之義亟命有司高確利病凡耗費財用之事一節減省以彰憂勤儉嗇之德則國用不至匱竭蒼生不至捐瘠矣五曰速完鞠獄易曰明罰敕法又曰明慎用刑而不留獄虞舜之欽恤姬周之詳慎無非庶獄庶慎之彛憲也夫權衡輕重出入死生下無寬情上無濫法然後資之以懲惡籍之以弼教茲乃以仁義行法律之謂也國運不幸逆變荐起無將不道已亦顯戮大獄垂畢告訐相繼株連逮捕囚繫尚多人多疑懼重足宵息氣象愁慘冤彌徹天豈非至治之累乎伏願殿下特施乾斷克飭逆嗑之義速明詳讞之典有罪無罪快施彛章仍將搆誣之賊寘以正律則羣情胥悅橫孽不生矣六曰嚴禁贓污傳曰私門之富公門之蠹也又曰木實蕃者披其枝黷貨賄政垂戒徃牒而厲廉耻行節義王道所先故虞舜投饗養於四裔光武不饒歐陽歛之死唐宗竟致盧佩於刑 皇朝制律尤為嚴峻而我朝創法至於禁錮子孫其所以懲治之道可謂至矣方今王室貧瘠

勢家擅利遠近賄賂方舟接軫守宰之無良邊帥之償債者侵
剝軍民罄竭官儲以為梯媒脂韋之資所在物力殆盡於苞苴
囊橐之中使殿下之黔黎莫保於剝膚推髓之慘臺諫之彈論
相臣之䟽劄槩陳其一二而殿下一向寬貸不以法治之此不
幾於賞盜竊而縱豺狼者乎私箴傾國奸猾肆志驕侈日甚做
官做盜之語正為今日道也伏願殿下勿以私情而害公振肅科
憲隨現痛繩則貪婪之徒知懼而污穢之風漸息矣七曰仲雪冤
枉書曰五刑之設其審克之易曰明辨折獄故肺石訴冤路鼓
達窮無非伸理濫獄昭雪冤枉而明聖之所慎也已丑鄭賊之
獄李潑李洁以不慎交遊之故竟就刑戮之慘白惟讓鄭介清
皆坐於筆札著書之事而別無謀逆之情迹則其可以治逆之
律繩之耶知其謀者為逆不知謀者便是平人逆與非逆可以
立辨而枉被嚴訊七十之母幼稚之子駢首就戮舉家無遺公
論之憐愍人心之哀感久而愈激前日諸臣獻議亦稱其冤殿
下亦已洞燭而以事在 先朝每下持難之教臣等尤不勝悶
齋焉當時主張此獄者鄭澈也 先王終悟奸澈搆捏之狀至以

決注銀河洗此羞辱其為慘毒莫耶為下為教先王昭好之
盛意槩可想矣伏願殿下勿以事在先朝為難繼述先王
之志快施昭雪之典則寃魂感泣於泉下士論更恢於清朝矣
八曰嚴明大義春秋成而亂臣賊子懼蓋周室之衰王章陵夷
倫紀斃敗孔子筆削舊史以寓一王之法其扶植綱常垂訓立
教之意至謹且嚴為人臣子而不知春秋之義者必蒙篡弒首
惡之名蓋以此也近日大義晦塞天理滅絕上自公卿下至章
布各立私門爭事傾諂惟以植黨為務不知有分義蔑法干紀
踰梁睽賜晉相媼媚其視君父不啻若弁髦或以巫盅咀咒為
虛偽搆出廢妃之說傳播中外熒惑羣聽以為他日魚肉士
林報復私怨之地使聖上終不免後世之惡名此輩之罪論以
春秋之義其不為逆賊者乎伏願殿下嚴明大義亟行春秋誅
心正名之法痛懲不逞之徒則天討得行而寃謀庶有所戢矣
九曰眷留賢相君臣感會見於夢卜良弼之際君臣相孚見於
元首股肱之歌然則君臣之契實千載一幸也左相鄭仁弘隱
居樂道之士也殿下舉於林下置之岩廊之上此實近古所無

之事也雖比於成湯之三聘高宗之夢卜亦無愧也方其未來也溫綸懇懇召命翩翩側席如渴終始不急果使幽貞介石之操有幡然賁然之思殿下愛賢之誠可謂篤矣及其來也禮勤三接庶履細躡藹然有魚水之懽殿下待賢之誠可謂至矣都人士女莫不加額嘆美於聖主賢臣之際會思見大化之成而前席之對終罷乞歸之章遽上若使空谷之駒不留於食場則不承權輿之嘆豈不為聖世之欠事乎殿下既已致之於難致之時亦當留之於不欲留之日留之如何誠而已矣館於中國養以萬鍾非待賢之誠庖人繼肉廩人繼粟非待賢之誠伏願殿下勿以錙銖筐篚為待之之具須以用言行道為待之之實毋謂接遇之已至而益盡其誠聚精會神情意消融更竭杞瓜之誠用慰信處之情則明良賡載之隆輔相贊襄之美庶復見於今日矣當今之事可言者不特此也姑取一二冒昧條達伏願聖明特垂睿覽隨事採施則豈但臣等之幸抑亦一國臣民之幸矣荅曰省劄具悉當留念而議處焉○壬午政院啓曰聞左相鄭仁弘將擬午間出去門外云傳曰知道當引見今日姑

勿出去事遣史官諭之○注書金是柱以傳教之意諭之則仁
弘曰姑留此待命云矣傳曰知道○荅左相鄭仁弘劄曰緣予
尊賢之誠未至不能感結卿心致卿狼狽卷歸慙覲無已大臣
老病几杖之賜有例卿可安心受之至於祿俸之封置尤極未
妥卿何以蒞此言乎其將從赤松子遊乎當此寒沍切勿為歸
計今明日私忌也宜姑勉留十二日當引見焉○吏曹啓曰有
旨許後乃扈 聖有功之醫也依內官李奉貞例輔國追贈事
矣奉貞無輔國追贈之事云內官既不得為輔國則許後以醫
官似難為府院君傳曰內官方俊豪輔國追贈與否更考功臣
會盟錄券啓稟以處○吏曹啓曰鄭碩僞事判書差出後回啓
事啓下矣臣等竊查凡逆屬錄業者應為緣坐人也妻娣妹夫
法無緣坐禮無服制故赴科舉通仕路者例有之而本曹不敢
擅便上裁傳曰議大臣以啓○弘文館副提學柳清典翰趙有
道副應教孫倬修撰辛光業等劄曰賢士之一身所係甚重士
林倚如喬嶽生民望如霖雨人主之腹心股肱國家之柱石棟
梁其去其就治道之汙隆判焉或見或隱時運之盛衰闕焉則

時君之於賢士其可不望之深而招之禮留之懇而待之誠乎
伏見殿下嗣服以來待賢之誠招賢之禮無所不用其極特以
鄭仁弘爰立作相前後禮官史官之論銀臺玉堂之遣招之可
謂禮矣仁弘上來也修其館宇繼其肉粟盡誠於召對之時禮
隆於几杖之賜惜賢之意藹然於永夕之教則留之可謂懇矣
今者乞退之章屢上告歸之志益堅遲遲之行將及三宿士林
失倚生民失望國家社稷失其所賴使聖上千載一時不得
見魚水之歡者何哉豈仁弘獨善其身無意斯世耶噫仁弘平
生之所學山林之素養無非堯舜君民則何獨於今不施於可
施之地求去於不當去之日耶臣等聞仁弘登對之語陳劄之
辭言言忠悃字字藥石經幄不開言路久塞國有尾閭之費民
多溝壑之填贓污之法不嚴寬枉之典未伸又至於經年治獄
而天討則不舉大義則不明凡此數款莫非切中時病而空言
無施雖切何補不行則去勢所然也仁弘以盡言事君而殿下
不用其言只留其身此所謂執我仇仇亦不我力者也伏願殿
下亟行其言留之以誠則國家幸甚斯文章甚答曰省劄具悉

當留念焉○安置綾昌君佺于喬桐王命議處佺罪大臣推官
皆以為佺無謀逆之迹似不當罪鄭仁弘亦以為言王特命圍
置絕島○沈憬所引鄭經世黃中允金夢虎李溟等皆拿問卒
無事實言根亦絕王欲刑訊憬以本為仁弘徒弟命流鏡城圍
籬安置鄭經世保放餘多以賄免尹璠等被鞠亦無言根大臣
多救者王終毅之遂流璠于永興流珙于通川惟李顥門許國
三省待訊而大臣不肯坐三省仍長繫○癸未太白晝見○尹
銑啓曰臣昨日往見左議政鄭仁弘則以為不敢當賜几杖之
意已為陳達而尚未有停止之教又有賜藥之命几杖可於朝
而不可於家將去而受之此何理耶若不收成命則不如先去
之為愈也十二日引見恐不能趨命云傳曰知道○成均館啓
曰大司成之任以教養人才為急 祖宗朝不為差祭其意有
在而今者大司成趙存世以分都摠府副摠管長在直所儒生
每朔輪次及陞補製述等事一切停廢歲末之報亦將不及為
之極為未安大司成趙存世分摠管改差以重斯文之任傳曰
允○繕修都監啓曰文政殿圓柱造立事傳教矣當初磨鍊時

明政殿外文政權慶等殿則俱是方礎舊制分明故以方柱造
作矣今承聖教臣等反覆商議廣詢匠人欲改以圓柱則柱木
及各樣材木幾盡改備礎石亦當改排云且四面前退間架舊
制皆用六尺若改以圓柱則間架尺數亦當差濶工役不易今
年之內似難重建且所立之柱或以為差細臣等詳問于匠人
則以為凡梁柱各有定式當初十分斟酌磨鍊云臣等又以歡
慶殿柱比之則此柱之大加於五分柱之大小似不至不合何
以為之傳曰東向改造則似為便當速問于施文用性智等諸
術官以啓○訓鍊都監啓曰幼學金弘白上疏命下該曹回啓
矣近來採銀之事徒費工力而終歸於無實故招致金弘白試
問其產銀之處及採取之策則銀礦在於康津海島之中成丘
一面盡是銀色而草木亦不得生焉瑞山居前僉使李孝信曾
回搜討而往見取其土小許以來與前郡守安宗吉相議求得
京中居端川銀匠試使吹鍊則銀子之出倍多於端川之土而
其品甚好云又招宗吉問之則其言尤詳弘白之疏實出於宗
吉為國利用之計也若使此言終果有驗則國家生財之道亦

在於此豈可委諸孟浪而不為之試可乎安宗吉曾於都監亦為郎廳頗有勤幹之名請安宗吉本都監郎廳稱弼付軍職下送與本官眼同掘取其土或舡或陸隨其便易急急運來自都監吹鍊以試虛實然後開春即時更為下送採取安宗吉給馬刻期下送何如傳曰允○義禁府啓曰有旨令圍籬處禁府都事封閉上來中使下去何以為之且房子出入亦何以為之乎速令禁府議處矣中使往來時封閉都事亦當隨往隨來且房子出入自有他圍籬前規本官必察而舉行傳曰圍籬處出入一依前例為之禁府都事不必並為下送○右議政鄭昌衍五度呈辭答曰大臣進退係國安危豈可辭退不念國事乎宜安心調理出仕○傳曰儒將可合人依舊例令備邊司極擇議薦以備緩急之用○撰集廳啓曰鄭期遠不為收錄於忠臣中乎問啓矣今此三綱行實撰傳時皆從壬辰以後孝子忠臣烈女中外轉報于禮曹等第啓下又磨勘于政府者及平時旌門明白而成冊可據者及輿地勝覽所載者並為收錄故如朴麓尹暹李慶流等雖是表表死國之人初無禮曹等第公文故不得

收錄自上下教後該曹查訪實迹更為啓下非本廳所可擅錄
至於李廷馥之死守孤城朴枝華之守義溺死朴選之抗賊不
屈人皆稱道而並漏於撰集之中殊為欠典而李廷馥則收錄
事已為啓下其餘鄭期遠三人令該曹從實查訪事迹意速磨
勘於政府然後追錄何如傳曰允此撰集之事甚多不無遺漏
之冤抑必有名實不明之弊更加十分詳察收錄○傳曰左相
賜几杖速為舉行而外宣醞詳考古例察行○甲申太白晝見
○兩司合啓曰延陵府院君李好閔開城留守吳億齡戊申奉
使之時以退讓之言致查質之辱禮部移啓中許多說話又有
不忍言者好閔等將命失對陷君辱國之罪論以王法合置重
典其時三司齊憤至有境上拿來之請而竟未蒙允反有賞典
使好閔等至今尚保有若無罪者然物情久而愈憤當其禮部
詰問之時好閔等既不能陳義力辨反以讓本為請偃然馳啓
使退讓之美歸於廷肆爭立之名及於聖上以致人心漸惑邪
說益熾全恩之論護廷之徒接迹而起此無非讓之一字為之
祟也况 中朝書籍多載因極之語辨誣之行亦以此也則好

閔等之罪果可少貸而天討之典果可少緩乎刑曹叅判李好義以書狀官賤帶分司不能糾正其罪亦不可不治請李好閔吳億於遠竄李好義削奪官爵門外黜送薦舉逆賊邦有常憲領中樞府事李恒福曾為體察使時擢拔逆賊鄭浹於麾下至置閔防重地浹已承服就刑則薦用之人不可獨免其罪而恒福尚帶職名晏然自在物情久而愈憤請命削奪官爵門外黜送

答曰徐當蒞落此後連啓不從至十二月二十日停啓

仁弘入來

首發此論讓本之說本由

皇朝禮部郎中方便指教云若作臨海讓本送

來可以准封好閔等力辭不敢即中卒勸之好閔等不得已啓稟非已意也○

以鄭造為承旨朴粹司諫鄭弘遠正言○行大司諫柳寅吉正言李滄等

劄曰聖上至誠尊賢獲起霖雨之佐一國爭慶方行清明之治

而左相鄭仁弘蒲輪終至曾未浹月遽欲決其去就白駒難繫

輿情感悶况以自上待賢之誠尤切缺然之懷請加懇留使之

少須史留在以輔聖治答曰省劄具志當留念焉○申時王御

宣政殿世子亦入侍引見左議政鄭仁弘王曰卿在先朝為

大憲時猶久於朝及熹昧忝位之後每有歸志常自缺然卿年

嶺雖高精神氣力尚未頓衰幸卧閣論道以副予如渴之望仁
弘曰小臣情曲前劄中已盡之矣曾在先朝牛馬之齒未及
衰耗而老親在行止不得自由今則年既八十氣血俱耗而館
學儒生乃以不敢當之說至瀆天聽雖欲強留勢不可得也只
欲更望天顏扶曳入來矣王曰八十之年決不可冒寒登程姑
俟風日漸和徐徐下去未為不可仁弘曰以氣力較之則決難
俟日和也王曰卿於昔年已能出萬死扶社稷今可為予勉
留至如疾病可以醫藥治之也仁弘曰臣之疾病非一朝一夕
之發宿病積久決非醫藥之所可治也王曰卿之上來適值國
家多事身有疾病不得屢為引見而遽有歸志尤為缺然須勉
強少留仁弘曰近日雖有不軌之輩旋即伏刑此祖宗之靈
有所保佑而左右股肱之臣又能盡職如臣老病設或少留亦
何能有所為也王曰前後劄辭予當躡念但其中七臣事則本
非預受密旨也倅然遽下於賓廳會坐之處似非渠等之所
與知也是以難用重典於卿意何如仁弘曰先王曷嘗為大
臣兩司所不知之事乎自不免矯偽之罪矣聖上龍飛之初所

當首告待罪而終無此等舉措豈曰非所與知而不為之罪乎
當初渠等不服其罪而馴致今日是非不定邪說益肆臣之所
見如此故劄中陳之古者聖人之定亂也必先去其根柢李綱
相宋先正苗劉之罪然後朝廷乃成今之計莫若先去其罪之
尤者也王曰廢 妃之亮言人人皆言之何以杜絕乎仁弘曰
此說為大臣者作俑若問於作俑之大臣則可知其出處矣今
若治其作俑之罪則豈有不絕之理哉王曰大臣如此何以為
國仁弘曰臣意亦以為然也大臣既獲其端而乃於下問之時
不指言根自以為自獲此豈可釋之罪乎王曰 先朝大臣相
繼被罪是為未安叅酌定罪矣仁弘曰聖上待大臣之道可謂
至矣虛無之說做出如此雖不可刑訊如流放之罪亦不快施
故以至此極也渠為躰察使時臣亦數見其為人矣政如婦人
女子僅能自衛其身者耳於國家事本非擔當可為之器矣雖
曰大臣其罪不可置而不問而至今保存故亮說流行不可止
也小臣常以為此等輩既非忠愛 大妃又非哀憐子儀而然
也此不過執此為竒貨行會臆快私憤而已必深知此弊而治

其根柢可也王曰卿言是也仁弘曰以私己之憤假借此說而
攻擊正義之士殆無餘力此小人之左者也其不軌之心孰有
甚於此哉必先去此等大者而後可以止亂也其餘細瑣之徒
雖日刑殺而不足以鎮定人心也王曰經明行修之士選用之言
此甚好事但名實不副者比多有之未知當今果有名與實相
孚者乎仁弘曰人才豈曰無之小臣雖不得聞見而若問於朝
廷則豈無其人乎王曰如有其人則第言之仁弘曰題目甚大
似難輕舉在 先朝如閔純純輩五六人以經明被選若言其淵
源則乃徐敬德之弟子也又鄭澈之所誣殺崔永慶亦其一也
今其存者唯沈宗道一人即閔純之門生也王曰蔭官判事沈
宗道乎仁弘曰然矣王曰國事如此之時必須大臣銓長得其
人然後可以安 社稷明大義也前日引見時大臣銓長選用
之意卿已言之如此之人未知誰乎仁弘曰知臣莫如君官爵
已至於銓長地位者功效已著自上已洞知之矣何待臣言惟
大臣銓長先擇其人則其他庶官自有茅拔之盛矣古語曰用
賢如倚孤柱去奸如轉巨石苟不清濁而用之雖有一賢者

獨何能為如堂下官臣亦未能盡知而若干人尚有之矣王曰誰也仁弘曰其人方在宮僚乃孫倜也自乃父以孝名於世個性行純潔不墜家行及其莖仕杜門葺修如處子焉絕不為紛拏世俗之態也朴樸亦忠直之人也如此之人選擇擢用俾專輔導之責則豈非萬世無疆之福乎王曰大臣銓長可合人與經明行修之士亦皆言之仁弘曰古人云教育人才難變化人才易若待教育而後用之則心在數十年之久矣今若舉直措枉則自能革心革面終歸一正矣如銓長可合人以臣見之則赤心循國無如李兪瞻也其他臣亦不知也王曰大臣可合人亦須言之曰命起而安坐仁弘曰聖人之論人物必以可以托六尺之孤可以寄百里之命臨大節而不可奪者為上父母稱孝鄉黨稱悌者其次也今必得如棟梁砥柱者然後可以為大臣而如此之人臣亦不知也若思其次則宋諄是也性行動剛平生未聞有過惡矣且臣近見市民連名來訴者問之則以其市役煩重民不聊生皆流散外方市民之為市役者無幾矣臣已將連名狀送于該司矣請令該司更張變通以為安集之策且

如北方則不可遙度以南方之事言之則凡禦倭之備莫急於
繕修舟楫使倭奴不得下陸而今也列鎮諸將唯務為自己之
謀而舟師器械日就蕩然脫有緩急將何所恃宜遣御史不時
巡視尹銑曰邊將守令豈皆守法之人哉如御史之行既無厨
傳之弊雖每年而遣之可也况今年凶荒如此而荒政踈脫御
史尤不可不遣也糾察不法兼察賑恤身庶乎可也王曰御史
可以兼管乎尹銑曰先朝亦有遣御史兼察不法而並察守
令賑濟勤慢之時矣仁弘曰邊將守令今則不以木綿載來而
必就東萊買金納小櫃子持來若欲徒以法網治之則不可得
也王曰嶺南舟師漸至解弛何以則可乎仁弘曰統制使不得
其人故唯造舡載貨為其私事必統制使得人然後修葺器械
撫養軍卒以為緩急之備王曰統制使頻數更易皆非其人乎
仁弘曰古有晚唐債帥之語今之將士寧由此路而獲身無識
武夫豈耐祿既盈其貪婪無厭無忌恠也而朝臣需索狼籍苟不
善事無以保位故必以誅求為事已無防奸之策必須去斷乾
剛乃可以懲畏也統制使可合者前已陳之若以鄭再祐為之

使專任五六年則可以革此弊也王曰郭再祐其肯出而察任乎仁弘曰再祐前為統制使一辭而輒逝若至再諭則安能終始不出乎雖無神出鬼沒之略而素能講究將方如再師鬼械心能盡心規畫也且無書不讀非武士之比前為直赴而不第者也王曰何時如此乎尹銑曰乙酉年庭試郭再祐以論二下居第二矣仁弘曰武弁中可用者湖南有一人今方來在京中矣王曰今為何賊乎仁弘曰鄭汝獮前為守令者再此人可以為水使可以為兵使矣仁弘曰星州合屬事當初不知如何而處之也昌祿免書初非出於細民而出於無賴儒生也今者革其州而屬於高靈夫星州江右之一大都護也其屬縣遠跨洛江而為花原八莒等地小民之往來於高靈遠者數三百里一投牒之頃動經旬日以儒生為惡之故小民先受其苦矣今若改其州踰依惟新例別為一縣監而不使合於高靈則如何如李顯門輩居在都下者亦敢肆其惡言則况遐遠之愚民安知昌祿之惡至於此耶若儒生則可更加一式年停舉以懲其惡而合屬則不可為也王曰當初以為不如是則不可以懲惡

故如是耳仁弘曰晉之為州素稱文華之地自古稱之曰東方
人才半在嶺南嶺南人才半在晉陽此乃人才之府庫也近未
久委於武弁之手人心愁怨莫可收拾若以文臣為牧使而不
使兵使兼察則庶得蘇殘復舊之方矣王曰先朝以兵使兼
牧使必有其意故不得容易變置也仁弘曰先朝必詳審而
為之矣然法久則弊生在今更張有何嫌乎王曰平時有判官
乎尹銑曰有之矣王曰然則判官以文官擇遣如何仁弘曰是
亦得矣尹銑曰臣居近此州詳知此州事矣奴婢甚少鄉吏僅
可四五人而兵使牧使俱是大官困頓奔走似難支保以民情
言之則欲罷能虞候以曾經侍從為判官如蔚山則可矣仁弘曰
民情則欲以兵使還於昌厚而以文官為牧使矣然兵使不可
處移則姑以文官為判官亦可矣王曰晉州今已蕪完乎尹銑
曰尚未也武夫之為治豈能蕪殘哉仁弘曰御史不可不遣方
今民心離叛軍情漫散極為寒心若不汲汲保恤則既散之後
雖欲收拾末由也已王曰卿之所言予當躡念今日已暮不
得從容設使下去近可姑留當更引見仁弘曰小臣衰病已

深入來極艱決難更入所帶密符即欲還納矣王曰卿欲長往
不勝缺然必欲決歸不敢強留然日氣不至甚寒姑宜少留若
密符則時未解取何可還納乎仁弘曰區區所懷既盡陳達病
勢已劇決難更入前承引見之命姑此少留者以一出國門不
得更望天顏故今日艱難扶入此後安敢更留乎王曰尊賢之
誠未至致卿欲去幸留數三日當更引見仁弘曰數三日之留
豈有絲毫之補哉永訣國門其在今日飲食專慶更留數三日
則言且不能出口更留何為王曰須調理入來仁弘曰臣之疾
病非一二日可調之症若留數三日病勢更重則登途亦難以
是為問王曰過國忌後當即開筵須勉留仁弘曰退而更思
王曰觀卿意必欲明日下去予疇與為國久留則不敢望也未
可三四日留之耶仁弘曰退去當觀筋力而為之命宣醞一爵
仁弘起去王命就坐更加一爵遂起去王命尹銑曰左相若決去
一邊來啓一邊遣承旨勸留尹銑曰左相年老有病勢難久留
歸計則已定而所以決去之速者賜几杖之禮該司官員排設
於寓所以是尤不自安云耳王曰若然則几杖之賜姑觀勢為

之賜給貂皮五十令酉時罷出傳曰御史事當量處晉州判官
事令備邊司議處他餘事令各該司回啓○乙酉吏曹啓曰內
官方後豪輔國追贈與否更為詳考則以翼社功臣追贈輔
國而府院君則不得下批以西河君下批矣傳曰許浚依方俊
豪例追贈○戶曹啓曰頃日兩倉頓竭近道田稅啓請下諭水
凍前催送矣今者京圻田稅已盡來納而其數不滿四千石比
上年減縮幾千石江冰朝暮將合湖西海西水邊田稅亦已催
來而今冬未及運到於冰前非但正月頒祿過半不且日下經
費萬無支過之勢極為悶慮大抵收稅之法下之下為最輕一
結出米僅四斗雖甚凶年此稅則民以為應納之物依常規皆
自直納而守令等聞枯槁損摘奸之令或已為收捧於民間而剋
減其數以為私用者是則米已出於民而稅不入於國民未蒙
惠而稅日以縮極為痛甚京圻海邊因為失稔而不至於湖南
之尤甚江華豐德與喬桐壤地相接被災之多少宜無異同江
華豐德比去年一樣而喬桐則元稅二百二十石內所減者二
百一石應納者只十九石其沉濫虛為之狀灼然可見事甚駭

驛喬桐縣監依事目罷黜其他各邑或無減於上年或減其半
或減三分之一任意低昂災傷重辜殊不的實令本道監司更
為明查從實磨鍊急速畢上納事行移何如傳曰允此時守令
適易有契姑推考使之准數上納○以左相鄭仁弘劄子傳曰
贓汙事今方覈處李元翼等事議他大臣以啓又傳曰左相劄
子逐條議處○傳曰 大妃殿誕日表裏自上者品後使該司
官員待候于 大妃殿門外俟內官之往進入○以李準為開
城留守鄭遵獻納韓玉司書○戊子都承旨尹銑啓曰幼學趙
榮生即呈上疏見其辭意外托討逆內實顯護李顯門等欲盡
網打三司及鞫廳諸臣空國之計極其陰慘况顯門頃於明倫
堂多士衆會中大倡亮達之言公論已發今方拿鞫極惡大罪
人渠何敢營救至此乎然係是儒生之疏不得不捧入傳曰知
道○書籍校印都監啓曰方印四傳春秋東文選等二大秩已
印及未及印冊紙數多積置而本月初八日夜間拔去鎖鑰偷
出進上冊紙百餘貼此外亦有見偷物件二冊已印件則幸而
得免此由慢藏而然平時本館守直軍多至十名亂後則多不

過三名近來或二名或一名或全然不定去八日被偷時亦迷劣守直軍一名來在一隅專不譏察極為駭愕請其日直宿官負推考守直軍令攸司囚禁重治其見偷紙貼庫子唱准等分徵今後守直軍多數定送事捧承傳施行傳曰允○戶曹啓曰左議政鄭仁弘昨夕招本曹書吏今冬等祿俸還為出給敢啓傳曰速令倉官勿受遣史官諭之使之安心還為受用○已丑右議政鄭昌衍六度呈辭傳曰此非大臣乞退丐閑之秋也調理亟出毋庸固辭○領敦寧沈喜壽上劄曰臣犬馬老齒已迫七十蹇濕積年之病行步多躓消渴終身之疾引飲無節肌肉日益消精神日益耗加以深冬之後宿患胷脇痛徃徃而劇痰熱上乘咳嗽連夜已絕陳力之望恒懷乞骸之願而姑待鞠獄完畢冒死趨走鍾鳴漏盡情勢悶蹙者久矣近者朝廷之上正論方張申嚴全恩之律於彈章中臣亦妄叅全恩說之一人也臣之為此說雖在於赴京使臣讓本狀啓之先而其所以辜意穿鑿得罪於萬世公共之王法則豈有早晚輕重之殊也至以護逆二字互文而同

論則極天寬痛固所不服於心若卑提而直斥之則將何所
逃於盛世之三尺哉而一躰諸人之中獨保官爵於八年之
間豈非倖濫不均之甚乎言念及此尤不勝竦慄之至伏請
聖明天威亟施貶黜之典以為人臣孤恩負國者之戒公義
幸甚私情幸甚荅曰省劄具恚安心勿辭速完鞫獄○傳曰
會講盛禮也昨日大雪則傳未詣前講院亦當詳議入達于
東宮方便善處而冒雪強行似為未安今後臨時詳察為之
○殺佺于園所佺既就園守將寢之石埃又以沙土雜炊飯飼
之佺不能喫官僮名義生一人在側常以其所啗飯分進守
將覺之不許官僮飯其中使坐棘門外飯僮私與佺約密布
衣裾於門內僮時以匙飯過擲佺得一二匙喫佺不勝苦一
夕作書付官僮辭訣 父母給僮出戶自經死守將詐以病
聞旋告詐王佯為驚恠之狀宋諷之也初官僮不敢出其書
藏以沙盒埋土中今 上反正後始上之事迹宛然始知其
諱日云 王既聞 定遠第有旺氣之說遂奪其第為慶德宮

基 ○庚寅尹銑啓曰前頭有經筵而左右史不備明日大臣

為翰林取才之意敢啓傳曰依啓○傳曰金千鎰等收錄於忠臣之列則如李大元李舜臣元均李億祺崔湖李福男任鉉等死於國事之人何不收錄乎此人等詳議定奪以啓又傳曰此筭跋大臣大提學同議勘定以用○傳曰日氣極寒三關慶運宮直宿軍士優給空石俾勿傷病 領議政竒自獻上劄曰臣近來左臂生兩腫龜勉逐日供職為衣裳所磨憂痛勢日加欲受由調治而特任相臣中臣自獨行不得任意呈告有若無病者然極為悶慮臣之每每生腫由於久廢沐浴壅壽而然今則冬節過半立春漸近臣欲於近日受由下去留十數日調理沐浴正月晦二月望前還來未受由前請命先適臣職以便治療不勝幸甚答曰右相方為呈告此時不可下往勿辭調理以行速完獄事仍遣內醫看病○辛卯傳曰全圍籬安置處鑰匙持來在京云其下去宣傳官給送 宣傳官即俞世曾世曾窮亮極惡而甬瞻之腹心也世曾下去之日即綾昌絕命之時也○傳曰日候極寒而左相亦

年高朝講時刻以已正差退○傳曰喬桐佺病重云急速遣

醫賈相當藥救療且下諭別將十分救療如有不謹之事當
拿致不饒○壬辰韓縝男啓曰喬桐下送秘密有旨時急之
事請令禁軍給馬賫送傳曰允○傳曰明政殿重建時立柱
日百官會叅事問舊例議大臣講定○傳曰佺有病醫官以
內醫擇送○領議政竒自獻上劄曰伏奉聖批以右相方為
呈告此時卿不可下往勿辭調理以行速完微事為教至遣
內醫者病臣不勝感激隕越臣之腫病連綿不絕而近以獄
事逐日奔忙雖冬月終日冠帶束縛熱極成渴有如遠行之
時馬上勞熱雖冬月飲冷無節還家則必飲冷水一碗猶未
清快煩熱難堪兩腫仍出於左臂非但磨戛漸傷牽引刺痛
症勢轉劇此由在前腫症惡汁未得盡出濕熱未得盡消而
久廢沐浴之所致極為悶慮右相素康強今雖有疾必不久
自差臣則素以肥濕之人每患腫症無時久止如此而可望
其無事隨行乎况相臣重任不可久妨賢路當今廷臣中必
有康強可合之人且相臣必備三負其意有在臣之生後亦
未見一相如臣獨自行公之時伏乞聖慈許適臣職亟出他

大臣使之行公使臣得以調治也今有召命而臣病勢如此不得趁詣逋慢之罪亦大仗地待罪許國事前日鞫廳諸臣會議時以其抬情理或然已為隨衆議回啓故再昨收議時不為並議臣今無容別議近有各為獻議之例又有他大臣在家獻議之例諸臣必以此又有獻議也如是並瀆不勝惶恐待罪答曰省劄具悉宜遵前旨安心調理以行○癸巳司憲府啓曰訓鍊都監卽廳崔有海處事顛倒箠楚過濫不但軍卒怨咨大將以下無不被其折辱提調亦不得禁之其驕妄縱恣不識事幹甚矣請命罷職○司諫院啓曰柱下之任乃一國極進近來冢官相繼呈告每為請出假注書已為未安而今者至以鄭洵首擬人望未洽請鄭洵還差今後注書冢仕十五朔計日遷轉其間如有不得已事故假注書各別擇差答曰依啓○兵曹判書朴承宗針灸呈辭傳曰日氣寒洵獄事亦有未決者姑待鞫完從容針灸○甲午尹銑啓曰左相今日陳劄後仍為出往門外云敢啓傳曰知道寒威方嚴此特卿不可登道姑為勉留事遣史官諭之○尹銑啓曰

即刻注書金是柱左議政鄭仁弘處以姑為勉留之意諭之
則鄭仁弘曰臣不敢登途而遠行只以留在城中一刻為悶
今日姑為出城觀日勢發行云矣傳曰遣承旨敦諭使姑勉
留○鄭造啓曰臣承命往諭則鄭仁弘曰不可不去之意已
盡陳達於前故今日欲出城仍為發行矣至於遣承旨敦諭
不勝感激姑留數日後發行云矣傳曰知道近當開筵姑勿
為下去之計事明日更遣承旨諭之○乙未韓縝男啓曰李
恒福李好閔等事他大臣皆病不收議之意入啓則知道答
下矣此意言于臺諫乎臺諫所論之事留滯未安敢稟傳曰
更問他大臣以啓○任就正啓曰臣承命往諭于左相鄭仁
弘則曰少留之意既已陳達而今又如此極為惶恐一日問
加留云矣傳曰予畏寒不得出入姑待數日日氣和暖開筵
矣且當此極寒決不可出往姑為勉留雖或下去待歲後日
氣和暖下往事遣承旨更為敦諭○韓縝男啓曰臣承命往
諭于左議政鄭仁弘則曰臣老病日漸羸瘁入城以來尤減
飲食一日所食不過數合若久留則必有狼狽之患歲後下

往之命決難承受近雖嚴誣必有稍和之時姑待五六日待
經筵後下去矣傳曰知道○撰集廳啓曰有教金千鎰等收
錄於忠臣則如李大元李舜臣元均李億祺崔湖李福男任
鉉等死於國事之人何不收錄乎詳議定奪矣右七人等事
迹依前鄭期遠例令該曹訪問入啓定奪峯山僉使鄭棧與
宋象賢同死於賊亦令禮曹訪問入啓收錄傳曰允○右議
政鄭昌衍七度呈辭傳曰此誠何時而卿之辭退一至於此
乎宜遵前有調理出仕更加盡瘁○兩司合啓曰臣等將李
好閔吳億齡奉使失對陷君辱國李好義不能糾正李恒福
舉薦逆賊等罪論列備盡而以徐當茲落為教臣等佇竢天
意之回公論之行遲延累日尚靳罪罪之命臣等不勝悶齟
焉好閔億齡好義恒福之罪昭在人耳目不但物情共憤前
日大臣榻前陳啓則他大臣之意亦豈外此請賜一俞李顯
門以廢 大妃之說既發於泮宮多士之會而及其供招也
托以傳聞不為直對是何等語而既發還諱乎窮問此人得
其言根則渠所謂因其人心之失欲逞不軌之迹亦可知也

請命嚴鞫以得其情答曰李好閔等事徐當發落李顯門令
鞫廳議處李好閔等事連啓不從○韓纘男啓曰李恒福等
事禁府收議於他大臣則皆病不收議云傳曰雖病豈至於
不得收議乎更問以啓○傳曰當初佺押去都事具告伯仍
着重大板枷以片石冷埃入置別將與本邑倅凡飲食救療
等事不有傳教多有不謹竟致如此具告伯別將李應星喬
桐縣監黃廷說並拿來嚴鞫定罪京圻監司盧稷亦不檢察
並推考喪事另加從厚既令殺之而又罪其人何異於刺而殺之
曰非我也兵也○丙申太白晝見○傳曰軍士代立之弊今亦
有之縱恣無忌之事兵曹亦不檢飭極為非矣今後令兵曹
十分嚴禁犯者依律重治不饒○戶曹啓曰左相引見時啓
辭市民給價事令該曹更張變通事各該司回啓事有傳教
矣該司所儲一撮蕩竭進獻及唐官需索之物不能措備不
得不貿辦於市緣司贍無一疋之木近年未給之價多至五
百餘同臣等多般拮据先為題給者二百餘同今將隨備隨
給而該司逐朔逐日貿用之物日漸加出固有紀極掃盡給

價恐無其期臣等不知所以為計更張變通之策令廟堂熟
講施行傳曰允○司諫院啓曰近日百司怠官冗回啓等事
皆有定限而留時積滯上澤不究下情不達至於撤訟與奪
生死莫肯留心以致抱寃莫伸有罪不治悠泛度日請今後
回啓聽獄斷訟一依 祖宗定制施行如有稽滯掩置者右
其司堂上郎廳從重推治答曰依啓兩司亦勤勤察職啓辭
趁早為之勿致逐日留門○韓縝男啓曰禁府都事來言李
好閔李顯門等事大臣皆病不收議云矣傳曰李好閔等事
更問大臣李顯門事明日大臣推官命招議處○傳于京圻
監司曰佺喪事別定差使負不輕護送○弘文館副提學柳
浦副應教孫倬校理柳活李挺元副校理金質幹修撰辛光
業柳汝恒等上劄曰人君之討罪也罪重則重之罪輕則輕
之輕重各得其當然後有罪者懲懼而人心服矣苟或罪閔
宗社而不問薦其逆黨而不治犯於悖逆而不討則其可謂討
罪之得其當乎臣等伏覩頃在戊申迎陵府院君李好閔前
留守吳億齡等讓奉之說其奉使失對隔君辱國之罪至此

極矣殿下承 先王付畀之 命受 天子監撫之 勅正位
春宮十有七年則讓之一字何所據而做出耶禮部之詰問
差官之查質辱莫大焉而 中朝書籍多載同極之語則此
無非好閔等之罪也刑曹叅判李好義身為書狀職兼分臺
坐視國家之顛沛而不能糾正惡得免乎噫有可問之罪無
可責之勞罰不施焉賞反及之國家刑章可謂得其正乎領
中樞府事李恒福曾為躰察使時擢拔逆賊鄭浹於麾下至
置閔防重地浹既就服正刑則薦用之人自有其罪而尚帶
賊名薦用之際雖未能知人而卵育之罪亦不可容貸國之
刑章可謂得其當乎李顯門以廢 大妃失人心救 大妃
得人心之說公然大唱於泮宮多士之會其亮逆回測之言
一出於口則犯上不道之狀十日難掩而及其供招也反稱
館儒搆虛捏無恣意欺罔臣等雖未知前日鞫廳獻議之如
何而又下鞫廳議處之命顯門一昌祿也亦一顯慶也決不
可假息於覆載之間鞫問尚稽踴戮不加國之刑章可謂得
其嚴乎嗚呼義理晦塞人心極惡將使命者罔念君臣之義

為大臣者不察堯逆之徒假儒名者敢肆不忍道之言傾陷
君父無所不至甚矣失刑之害也全息之說一起而不問讓
本之罪讓本之罪不加而繼有護逆之論護逆之罪不治而
豈出亂逆之變此豈非聖上舍垢納污當罪不罪王法罔行
人無所懲懼而然也輿情久而愈壽公論久而愈激伏願殿
下快從公論各以其罪罪之不勝幸甚答曰省劄具悉當議
處焉○答兵曹叅判李冲䟽曰同氣之病至請解職事涉法
外况繕修大役方急雖有疾病勿為更辭調理察任○傳曰
喬桐新縣監速為差出給馬即為下送以治佞表○領議政
竒自獻上劄曰伏奉聖批以省劄具悉宜遵前旨調理以行
為教臣不勝惶恐問迫之至臣之腫症少無差歇頃有召命
而不得趨詣措躬無地若無所容竊念相臣之職為任極重
苟非才德傑出者則不必以一負而長帶重任任其死亡而
後已也因病而遫之曰辭而遫之亦養廉耻之一道也如臣
者其才其德寔是俗流中混同之人而一年冒據已為不可
况二年冒據乎福過灾生病至於此若至三年冒據則必有

不測之禍生於意慮之外爾時雖聖上欲救之而亦難豈不大可畏哉今臣之辭非但事勢之為然適又病患如此堅硬略無消散之漸刺痛難堪熱極而精神昏昧飲冷無節不能任意坐卧雖欲行公其道無由或至於因此溘然不必負病帶職以致癯瘠之罪茲不得已陳劄至再至三而不知止也人言先王朝相臣二員一時呈辭又或言劄辭與呈辭一樣故頃日相臣亦有劄辭得適之例而今適他相呈辭故不以呈辭而以劄辭非以劄辭輕於呈辭而偶為之也常時原任之臣亦與聞國政案與特任一軀解職無異於帶職伏乞聖慈察臣危懇適臣職名則聖上成臣子退讓之美臣病亦或有減歇之理不勝幸甚答曰劄辭具悉此非退讓之時且一司兩呈非例也大臣先自犯法可乎况撤事未完大臣豈可並入拋棄職事高卧不起乎宜遵前旨調理速出○下諭平安監司金蓋國曰前日助工布上送之數元定外至加千餘正况此大役方興經費難繼之特別送米豆多至千石若使八道藩臣盡為如此則繕修之役何患不成賜給熟馬一

匹以亦嘉獎之意繕修之役民力蕩竭而西邊則又有使命
之供億軍餉之接濟雖薄餼而節用猶恐民力之難支况於
元定之外又加千疋之布千石之米乎剥民之膚推民之髓
以為固寵於昏君之計其罪不止於逆君之惡而已乃賜馬而
賞之蓋欲使八道效之也○己亥傳曰慶源府使鄭如麟加資
以仁弘薦之故也○荅領議政竒自獻劄曰大臣以徇國
為義當此之時詎為獨安之計乎宜遵前旨更勿控辭
調理以出○以朴樾為大司憲柳澗為大司諫孫孫個
為執義金質幹為司諫李命男黃益中為掌令趙國
賓為持平姜鱗為獻納韓詠洪堯儉為正言金堦為注
書○庚子傳曰許任圻甸近道守令待闕除授任針醫也
○兵曹啓曰諫院啓辭近日百司怠官凡干公事傳教回
啓等事皆有定限而留時積滯掩置不舉者各其司堂
上卽一聽從重推治事允下矣此必專由於臣曹不職之致
竦然而悞汗出沾背各項公事逐日挨考如上言之微皆
即回啓矣其中論責公事多以照例判下前例不等未易

考出且此係干恩命之事不敢率易取票至於上疏言多不中不可不從容參酌回啓故不無過限矣第今秋冬等部試緣朝廷有故尚未開場即今歲暮天寒決難舉行此亦臣等不職之罪中日試射無或稱頓今番有故則後番追射以其試數磨鍊於付祿時宜當都試則待來年正月急急開場事並捧承傳申明何如傳曰允○右議政鄭昌衍八度呈辭傳曰安心調理以出○辛丑尹銑啓曰左議政鄭仁弘冬等祿俸不為受用雖曰戶曹啓辭遣史官諭之而方有去志仍積置寓舍旅橐已空極為艱窘云傳曰更遣史官敦諭使之安心受用○戶曹啓曰湖西田稅舡到泊於通津浦口處置難便欲以都監軍士十二月朔糧為先支放其代以後來三手米本曹取用事啓下矣續接瑞山林川結城等官所報各官稅舡亦為阻冰於富平等地通前後所到幾至四千石都監一朔所支之外餘數尚多三手糧亦多在其中既難沒數支放則未免留置江岸三手糧則令都監速為處置田稅則曹即廳下去令本官移置民家迫處

多定軍人守直而當此寒沍本官人民勢難獨當近官數邑
督番嚴守且定哨官武士巡邏守護俾無虛踈之患富平所
到舡若未能回泊江華則一舡施行為當傳曰允○壬寅尹
銑啓曰左議政鄭仁弘冬等祿俸使之受用事曰傳教注書
金是柱往論則曰秋等祿俸尚未盡用若盡用則冬等祿當
受用云矣傳曰左相其欲從赤柎子遊乎自政院措辭敦論
使之安心受用○任就正啓曰曰傳教更為措辭注書金
是柱敦論則鄭仁弘曰秋等尚未盡若盡則安敢不受云矣
傳曰知道

光海君日記卷第九十七

光海君日記卷第九十八

十二月朔癸卯議政府左議政鄭仁弘上劄曰伏以臣頃日入侍將退伏承聖教曰今日未及言者退而更陳於文字中可矣臣聞命感激將何以副聖明虛己之盛也臣聞書曰為上為德為下為民為上者為君德也為下者為民生也人臣之道不過此二段臣頃日所達如類接儒臣講論治道蠲免賦役以活飢民明好惡定取舍以正士大夫之風擇宮僚專責任以期日躋之功伸理冤枉以洩神人之憤等件事無非臣為德為民耿耿于中願塵於天日之鑒而今得效其一二果蒙聖明優加殊荅庶有底行之望而感激之極言不能自己况復有更陳之教乎敢以一二未盡達者仰聒焉其一曰遵用舊規收拾遺材臣聞孔子曰為政在人易曰拔茅茹以其彙征書曰旁求俊彥列于庶位言偃之為宰也孔子以得人為問大而一國小而一邑莫不以取人為先務緊可見矣臣不佞遠引試以 祖宗朝與 先王時事言之往在 明廟朝搜舉逸民特除為守令其時曹植成運成愷元等若干人俱登

薦書雖或仕或不仕皆名世之賢也逮乎先朝聖明知取人不可局於科目別立名目設經明行修不次擢用才堪守令等四五條而不以為煩蓋以士之在世有素尚高趣不屑以科目求進者有悃幅無華志在循國而短於進取者有才詭可用而屢舉不成退伏田畝者此等人材非科目所能盡故也當是時閔純崔永慶趙穆韓脩等俱在選中雖或就或不就亦皆一時之名流也其次柳夢鶴洪可臣等十數人亦皆以賢能著稱或為臺府之官而先王有世未嘗無人之歎或為州縣之職而民有召杜之稱蔚然為明時之盛美豈殿下亦嘗聞知也此年來寂然無此舉措士子爭趨於科目不復知有士行若不為聳動之舉以新其觀瞻則無以振頽風而收人心伏願我殿下思祖宗之舊規念人材之或遺令該曹廣加搜訪彙分標題隨其材高下而授之任則濟川之舟楫大旱之霖雨雖未保其必得至比於今之百執事宜有不可同日而語者矣况爵祿所以勸中人仍以此作成之則彼修行於家而求用於朝者亦當待

文王而興將為茲翼之需而不可勝用矣伏願 聖明留意
焉其二曰施保民之政以悅民心凡生民者殿下之赤子也
飢困流離之狀頃日劄子中及兩度入侍之日已為畧陳矣
特以時事之憂虞者言之比年來逆變內作人心聳懼而
誣告者繼起故人將重足以目而氣象愁慘旱荒外劇軍民
怨號將有土崩瓦解之患未知殿下何以善其後也竊聞
江都之粟無斗斛之儲盡入於貴勢之家統營軍實蕩
盡於京江之輸數百年內外之板蕩未有如今日人心之
携貳未有如今日而亮逆之根極未拔異論之撓惑未已
臣恐不逞之徒不可保其無幸嚮窳伺之虞也昔鄧禹當
時勢艱危之際進策於君曰運攬英雄撫悅民心正合大易
養賢以及民之義與孟子保民而王莫之能禦之遺意而為
漢家中興第一之策焉若殿下薄賦歛者浮費三務全失
之地蠲免賦役嚴治守令貪饕之習以悅民心布告中外使
民知聖明憂民之盛意則垂死之民將皆感悅忘其飢矣
噫奴拾遺材感悅窮民以風動一時則庶幾扶持世道於萬

分之一也伏願殿下留意焉其三曰虛已納言以開諫諍之路臣聞人君者元首也大臣者股肱也臺諫者耳目也股肱耳目各有其職故曰股肱惟人耳目亦然四者不得其職則元首豈得獨安於上乎故從繩而直者木也從諫而聖者后也自古以來從諫如流為人君盛德者以此也今殿下斬於從諫輿情頗鬱鬱意者為臺諫者大遺而小論剛吐而柔茹舉劾失當墜落風稜故殿下輕易之不復以其言為意也然恐此未必不由於殿下下而大拒柔允而剛不允故也似聞臺官論賊吏輿助逆者久未蒙允不免停止臺諫之風日表欺負之勢日盛私門為尾閭而邊儲一蕩債帥如虎撲而享船絡繹倉庫罄懸海山童赭若粹有數千師旅之象數月之需則龜背之刮毛也無賴之不托也國之所存不亦難乎殿下受 祖宗數百年艱大之寄 廟社之重一朝壞之於狐鼠之後而不自惜乎此皆臺官不得其言而掎克奸濫之後無所忌憚故也長此不已耳目之官不免解體反以呼唱於市道為羞耻恐城門開言路閉者不幸而近之殿

下之孤立至此愈甚臣竊閱馬伏願殿下不以臺諫之論為
皆不足聽也傾心聽納使其風采小振知無不言言無不行
而群小屏息則朝廷由此而得尊四目益明四聰益達太平
之治庶乎其可期也伏願殿下留神焉其四曰正王法誅
亮逆夫亮逆之漸非朝夕之故根柢未拔象孽橫生理所
自然殿下自戊申以來雖曰治逆只去其枝葉而根柢猶在
昌祿之亮書顯門之亮言實出於耳濡口習之餘而不自覺
也蓋亮逆之徒陰蓄異志畢竟敗露而其謀不成心懷怨
疾必欲陷一時君臣於罪過之中做出亮言至於此極臣實
不知廢之一字以為誰當廢之殿下全母子之恩廷臣盡君
臣之義正與臯陶之執舜之竊負各有其道而已若木人龜
鶴之妖則古亦有之而宮省事禁非外人所得詳知再下教
書播告之脩而彼輩終不之信反謂許多妖患之物皆虛偽
之作若是則妖患之物反為誣陷母后之罪將以其罪欲加
於誰耶其為逆不亦甚於昌祿乎元翼唱於先而茂績顯
門之徒和於後必欲快私忿逞邪謀日夜旁伺無所不至莫

念其自陷於大逆貴戚之人亦頗不免豈人情乎若殿下一
入其計中則殿下之忠臣義士皆將打盡於一網中而事有
不可言者矣殿下亟舉王法以正常刑則庶幾有感如之吉
也伏願殿下審察焉臣先病甚矣勢不能更留都下不得
不以區區切迫之私仰塵於聖鑒之下也臣初非牢闕長往
之人昔在 先朝嘗忝掌令之任供職踰半年當其時臣
牛馬齒四十餘歲而老父母俱存仕止久速不得自由故留
宦如此之久壬寅年間又被召命為憲府之長病不能供職
一卧東湖四五箇月而歸今則父母俱亡臣亦老耄踰致仕
大限已十年無餘日可以期向雖欲耽戀榮寵久立清朝
得乎再得入侍一禮東宮皆感風寒咳嗽大作氣急益甚
喘息短促聲音嗑澁言語不成口失食味所嗽益少時詣
廳之教亦不能奉行常自揀惧決不得留過時月每思聖
明少留之音不覺感淚潸然前日所陳所學阻於前一段
或可隨時勢而弛張也疾病掣於後一款則不得勉強而自
為晝夜而思無以為心不知所言教以前日文字中所陳與

兩日榻前所陳若干毫言留為替身之獻若殿下不以為
不可底行少留聖意則言行道亦行臣雖在嶺海之遠猶
在殿陛之下矣惟殿下垂察焉解所帶密符送政院王遣承
旨鄭造諭之曰姑為入來見予後下去仍送厩馬一匹仁弘
對曰臣不可留之意備陳於劄子中不敢承命王荅劄曰省
劄不勝缺然予方卧病此時大臣豈可下去乎姑還入見予
後下去予將調理引見劄辭當體行焉更遣承旨任執正賚
劄荅往諭使速為入來仍授密符○全羅監司李德洞因
羅州牧使金弘遠牒報馳啓曰十一月十六日未時良方虹霓
亘天雷聲數作良久殷殷雨雪交作大風振起有同夏月當
此閉塞之節變異非常○承旨任執正馳往典牲署前諭
以傳教之意仁弘對曰臣聞上體未寧受針故已留三四日
聞停針之言知上候蘇復故出去臣之不可復入國門之急
下覽臣劄辭則可詳矣密符不得已佩去行且待罪王又
遣承旨黃謹中諭使還來○甲辰太白晝見○仁弘不來又
遣右承旨韓續男諭之○傳曰文政殿明春擇日以圓柱改

立似便詳問于諸術官議啓○荅領議政奇自獻劄曰願
予泐末有何得罪於諸大臣而吟病針藥之中三公爭上
辭章大臣循國之義其果如此乎此無非不辟忝位之致仔
屋竊歎而已卿宜勿辭調理以出勉輔國事○乙巳平安監
司金蓋國馳啓曰伏准戶曹移文內以本道參價布則每匹
米十七斗奴婢身貢則每匹作米三十斗又伏准有旨內以
本道近海各官米太祖合三萬石解水即時上送于移轉所
云臣竊念本道農事雖曰稍稔風雪早霜損傷過半今此
海邊各邑應上納米太祖不下二萬石奴婢貢紬作米之數
亦一萬二百餘石繕修廳作米亦不下萬餘石而濱海田案
不過四萬餘結夫以四萬結大無之所收辦出五萬石許多
之數則雖盡其地之出竭其廬之入決不可取盈於徵科且
今市價參價布則匹直米五六斗而今責十五斗奴婢貢紬
則亦不過十五斗而今責三十斗勒定倍稱歛怨罔極各邑
奴婢齊來額納二匹情極於閭前項移轉米太祖三萬石及
中和平壤兩官田稅雖不計種糧而上送參價貢紬作米商

量裁處使赴京一路之民俾無潰散之虞○承旨韓績男啓
曰臣昨日承命初昏到龍仁見左相鄭仁弘論以聖上至誠
召還之意則曰臣數年以來有痰盛氣急之證登途以後頓
減食飲日漸柴敗雖欲更入都門勢難進去前路甚遠得返
家鄉亦未可必再瞻天顏永無日矣臣之所懷前日登對及
剖辭已盡陳之更無所達只望歸葬故山而已聖教勤懇狼
狽至此罔知所答云仍移時滯泣哽咽不復言矣臣見仁弘
氣力委頓痰喘極重勸留一日調理則答云當姑留今日且
其孫鄭稜以為祖父痰盛欲得竹瀝蘇合元生薑傳曰更
遣承旨使之安心調理從容上來見予後下歸事敦諭命內
醫急速下去救藥○丙午承旨鄭造啓曰臣昨夕承命僅
出城門達夜馳去平明入龍仁縣左相時未離裝臣即以下
教之意反覆敦諭期於姑留則曰屢遣近臣溫諭益切感
淚交橫更無所達茅臣以不可更入國門之意已盡於劄子
今不敢承命臣曰遣臣敦諭切欲更見而所答如此臣無以
復命仁弘曰臣亦自知罪大行且待罪云仍跋向陽智矣

傳曰知道○史曹啓曰星州合屬事議于大臣則領議政
奇自獻議前者曾聞逞賊所出之地縣則合於他邑州則降
為縣近日西原忠州是也如洪川更無所降之事故合於春
川星州嶺南大州也合於他官則賦役不無減縮之弊且無
前例降縣似當但未詳格例果如臣所陳伏惟上裁領敦寧
沈喜壽議以大邑屬於小縣似無前例州府降為縣監如
平時安東水原近日忠原西原等例未為不可若必永革本
州以附他邑則附之於大丘稍巨之地未知如何若全屬於
一小邑則土壤有偏重不稱之分南北有牽爭不便之患臣
實昏耗未能的知處置之宜伏惟上裁右議政鄭昌衍議
臣全昧地形難可遙斷令本道監司量其遠近參以便否啓
聞然後定奪未知如何伏惟上裁左議政鄭仁弘榻前進
啓之說又不出於改號降縣不使屬於高靈之意自知不敢
容議於其間上裁施行何如傳曰依領右相議施行○禮曹
啓曰議于大臣則皆病不收議而本曹之意明政殿重建事
步大慶百官會奏似為無妨惶恐敢啓傳曰依啓改創舊

殿以方柱為圓令百官會參未知何禮也○丁未以昨夕鄭

造圓啓事傳曰緣予待賢之誠淺薄不能使卿安於朝廷之上展布其所志反使卿冒寒夜跋顛沛於冰雪長程深用悵然寢食俱忘陳劄之外又有所言之事一一詳陳于承旨使之來啓且天寒路遠好為行李待日暖更為上來事遣承旨任執正諭之又傳曰左相既有遐心竟不回來予情缺然令該官責几杖照舊例具酒樂往賜無行餞宴都承旨與中使偕往詳細傳諭雖或固辭敦諭仍授又傳曰左相賜几杖教書速令製進又傳曰左相不意下去一路護送事下諭于三道監司承旨尹銑回啓曰左相路由烏嶺故金羅監司處則不為下諭矣○繕修都監啓曰文政殿以圓柱改造事命下矣若用圓柱之制則間架尺數甚為狹窄不可仍用舊制柱礎亦當改排一依宣政殿之制營建乎敢稟傳曰依宣政殿例營造若庭除狹窄則不必依宣政殿例造成因地勢十分善造但殿內亦狹則圓柱何必太大都監十分詳細參酌善處○義禁府啓曰因基諫啓辭李好閔等事李

恒福事承傳教議大臣則領相竒自獻議戊申年則臣在外
方通報書狀朝報皆未得見未知其時曲折事情己丑年則
臣未及出身朝報未得見到今或言其時相臣被論而未知
其詳臣非但病勢如此欲為詳察獻議而忙遽未有所聞
不能獻議極為未安措躬無地伏惟上裁領敦寧沈喜壽
議李好閔等奉使失誤各項罪名實與臣等妄陳金恩
之孰相為近似今方席藁待命之不暇尚何敢抗顏議人
之罪哉至如李恒福薦擬亮賊差送絕塞似非擢用京輦
右職之比而平遷超授不得不謂之舉主此所以公論之再
發於今日者也其與昔年盧守慎謬薦送賊者同出於
千萬無情而守慎亦未免被論一時守慎即臣之後母夫
也詳知其時之事只罷本職以示其罰伏惟上裁右議政
鄭昌衍病不收議傳曰知道領相豈不知好閔等可罪與
否而獻議未詳殊非為穩一所見一直陳使之明白獻議右
相處並問以啓○戊申吏曹叅議金繼嘗以覲親事呈告
歸清安地至是還朝未時遇鄭仁弘于龍仁弘謂繼曰

俺遠在嶺外不識時態每謂一時儕輩皆能一乃心力表裡
無間近來入城審察人情名雖儕類內外心迹兩面二舌比
比有之俺與令公相識已深而或有游辭間之者甚可駭也
繳問問者誰欵仁弘曰但言渠反覆情態而已不須言其姓
名因語及他事曰七臣罪狀俺屢啓榻前而臺諫尚不論
啓時事已無可為方今朋黨各立邪正相較固不足恤至
於名為吾輩者亦無十分相信處不如謝事歸田僅保軀
命云○承旨黃謹中啓曰左相處賜酒樂事公洪慶尚監司
等處有旨時急請以禁軍給馬下送傳曰允○王世子遣
宮官李之華以貂皮笠耳掩一臘藥一封往遺左相○己酉
以左議政鄭仁弘處賜几杖酒樂事都承旨尹銑注書金槩
禮曹正郎朴守緒中使崔彥俊等承命拜辭而行○王若
曰哲人作輔任既委於股肱元先告歸禮宜敦於几杖肆錫
養兼之具庸彈崇德之規粵從黃帝之創成抑有蒼姬之
備設漢褒卓茂式顯高年晉寵魏舒克彰宿望素能比潔
毛珩清標玉以喻溫袁逢冲度矧此違尊之可尚寧將往美

而同論惟卿洙泗正宗丘園嘉遊三台應象啓泰運於權衡
八柱衝霄著茂勳於鐘鼎秋霜烈日人服直聲威鳳祥麟
世爭先睹豈但模楷於朝著亦當矜式於士林莘野屢徵方
深求道傳岩再起庶副濟川金甌之姓字維新黃閣之典
刑仍舊連章累劄無非訓誥之文碩畫宏論儘是經綸之
策冥感實深於魚水昌期幸會於龍雲不圖赤芻之旋罔
念緇衣之好投竿渭叟曾未乞骸東帛申公何妨過壘渾
暮每歎於相見幽貞竟崇於交孚三冬之遠邇莫停八月
之舊章載舉烏皮淨滑秣求支體之安鳩刻玲瓏詎取過
眉之玩可以依仁據德固能扶難持危李泌養和比斯非
寵孔光靈壽方此愧榮北海安憑夢幾回於天末東自平流憇
望應惱於日邊况當邦國之艱屯必賴忠良之協贊早灾置
至萬姓流離鞠獄相仍群情疑惑未開經幄楚醴已辭暫
設由造商顏何許願忽違於承教誠只切於回心皓首厖
眉尚記來京之日雪程水路長思渡漢之時於戲進退在身
行藏由道鄒賢隱卧言莫辱於欲留逸士植耘跡應嫌於

長徃窮陰殺節母疾行旌春日載陽庶田高駕宣醞同餞
需併責代言與內官俱行莫云外貌之為冥體中心之貺故
茲教亦想宜知悉大提學李爾瞻之製也○傳曰明政殿立
柱臨迫上樑文速為製進都廳趙有道呈辭朴弘道勿徃
讀書堂提調亦勤勤仕進監董役事○庚戌太白晝見○
政院南廊有猫鳴如人哭聲移時乃止○吏曹正郎朴弘道
在政廳屢招藝文館吏讓之曰新薦史官不為不多何今
日薦狀只送一李芷耶史對曰自古史官薦注例不過一負
不敢加也弘道曰汝何知舊例歸語你官負劃即加遷自古
或有二三負並薦者何必一負為哉史以其言來告奉教尹
聖任聖任曰弘道雖銓郎渠烏知史局舊例若必欲並擬許
多則其將以首薦直擬奉教待教耶且史官之職只在記事
記事之任專在下者若一時並擬若干則凡在首副者其將
為無草冊翰林耶史官銓官非相侵之地薦之擬之各有所
職渠何敢侵及史官必行已見哉其以此意回告銓廳吏歸
告弘道嘿然及政畢弘道直造堂後詰聖任曰史官新薦

君何太恠耶聖任荅曰只為一負前例也此後政事不止今日未知有何太忙事而欲違例並擬耶弘道嘿然○時弘道專擅銓柄蔭官武班多出其手官有定價恣行賄賂一時之人莫不唾鄙弘道自知不容於時論乃為樹黨計以朴樸朴梓為謀主以趙國賓韓詠韓定國為鷹犬顯指氣使莫敢誰何及柳澗為大司諫弘道疑論已與朴梓陰謀譏韓詠使之擊去詠雖知其不可亦不敢忤弘道弘道為人愴邪鄙鑽患得患失都表廉耻先是弘道除銓即未數日李惺為吏曹叅判弘道前妻與李惺之妻兄弟也同婚在法當避弘道因是解職意以為不去李惺無以復入銓即內結宮妾搆捏行讒外交鄭寅誣陷擊去一時儕類皆陷弘道計中多有斥李惺而右弘道者及弘道復入銓即恣行威福畧無忌憚顯托宮禁張皇氣勢嗜利無耻之徒比比有依附者○辛亥太白晝見○承旨任就正到竹山馳啓曰臣於本月初五日申時承命初七日巳時到竹山則左相已於昨日發向公洪道界不入忠原縣直由丹月驛去故仍為趕去傳曰知

道○掌樂都監啓曰明春親蚕後勞酒宴時以女妓行用
規例而沉香山鶴舞則係是男樂此乃內庭所設何以為之
敢稟傳曰平時內庭觀處容時亦有鶴舞查放此例察行
或以女妓教習為之○乙卯荅右議政鄭昌衍九度呈辭曰
九見辭章深用驚焉在願予有何得罪於諸大臣而相繼引
疾或至遁歸竄自慙覩况予患疾甚重冒寒犯夜累度受
針脚無出意不暇未安乎宜勿更辭調理速出以救予病○
傳曰日勢極寒禁府典獄罪人各別救療不緊囚人等從速
决放○新及茅宋圖南李尚儼金槩李繼先金瑄朴造李
基祚等揀入承文院○丙辰以李贊為大司諫朴文浚禮曹
佐郎李培元平安評事黃德符藝文館檢閱○備邊司啓
曰下三道賑恤使臣已為啓差今方料理而三道之飢饉振
古所無必須盡力措置可救萬一而曰今中外蕩竭公私亦
立推移賑救計沒奈何如監兵營所儲米穀不繫元穀者
或不無收取補用之路而已為繕修都監之用今難着手於
其間至於各官官廳之虧亦有零星湊合之路而若此大無

之歲亦難收捧更無取用之勢唯兩西稍裕各官倉穀從其元數多寡量數除出頒及早春運到京江酌其三道賑救之緩急派送本處一以為救荒之資一以為種子之用似不得已今聞戶曹已有此慮平安道倉穀米一萬四千餘石開春即時上納之意啓下行移云此數雖不得盡為賑救之用而種租數少難以遍及三道或於本道量數加定或於黃海道四五千石及時上送事令戶曹啓稟知會為當大緊今年旱荒太甚自春夏已占無秋兩湖之民未及秋成已有流離丐乞之患更無卒歲之意而國家議賑之舉未免若此遲緩今雖萬分用力拮据措置緩不及時無救燃眉之急况今茫無下手之地者如前所陳乎自古荒政必以賑貸為先蓋以糜粥菜羹不足以活人性命而蠲免租賦官無所侵以安其居者斯為賑民之實惠也三道中兩湖沿海尤甚各官明年應納貢物勿論緊歇悉皆蕩滌勿捧以示朝廷憂恤惠鮮之意此實荒政之第一義也今戶曹詳察舉行先將此意移文該道使之知委民間何如荅曰

允闕而米太豈可過多取用泰酌運米○吏曹分館權知
成均學諭李尚恒韓馥韓定國朴宗曾吳益煥朴宗胤李
慕徐國楨李益李永式許寧崔明獻蔡繼先李惟一申
敏一鄭靈羅茂柘金慶厚吳興權知校書副正字曹三省
金崙高傳川○丁巳左副承旨任就正來啓曰臣追及左議
政於聞慶縣初九日朝以傳教之意諭于左相則左相手
展備忘記滂下良久曰臣感泣之外更無可陳之辭但苦俸
密符還收之命而尚未還收以是為閔云矣傳曰知道○戊
午傳曰左相處歲時遣長吏存問優致食物○己未司諫
院啓曰承文院抄以年少聰敏之人俾專隸習之事其意有
在今此揀擇時恣意循私不恤公論只取私黨若干人使一
時有才有望者皆不得被抄物情極為痛憤其護黨蔑
公之罪不可不懲請行首掌務官並命罷職近日守令之
被論者每令監司覈啓自上慮有風聞或失慎重適易之
意至矣但甚諫為人主耳目主一時公論其所發言豈皆搆
捏無實以負國家哉若必一一詢問於藩臣則臣等竊恐朝

廷待言官之道自此益輕矣願網何以振之貪吏何以懲之
究其弊端事係非細請停查覈之命以重體面頃日左議
政下歸時到龍仁留宿縣令韓濬以私事出去終無形影
支供之事全不顧見事體極為駭愕請命罷職荅曰韓濬先
罷後推守令覈處何妨勿為煩論○司憲府啓曰一自士論
携貳新來揀擇事盡出於植黨行私大與公議相乖至
於去夏分館以一金瑋為准點而取之故物論激發而請改
矣今者揀擇非但專以私黨為准點槐阮自前博士以下
圈點新來只以准點者書單字告于大臣大臣或嫌其數
少使之加書次點其數不多則又令加書再次點故本院則
只書准點必待大臣加取然後書呈此舊例也頃日本院揀
擇時既書准點三人並書次點三人有若同是准點者然暗
然來呈至於謁聖榜則只書准點一人其次點則畧而不書
其任意取舍行詐於公選之地豈不痛哉况被抄之中宋圖
南處事鹿鄙李繼先行已揭披棄於士類久矣尤不合槐
阮之選行首掌務官循私蔑公之罪不可不懲治請命削

去仕版宋圖南李繼先劄錄以杜護黨之習以正公選之規
王從之李繼先宋圖南非爾瞻之黨而又不為他黨聲勢
孤弱特擊去之○庚申司諫院啓曰都堂弘文錄雖不備負

速為事本館已請蒙允矣厥後政府東西壁不備之故連日
知會終不得為之極為未便請有故之負一一命招速為舉
行王從之○壬戌李好閔等事停啓○癸亥政院啓曰都堂
弘文錄速為之事王堂陳劄甚諫亦有所啓蒙允已久而
尚未為之事甚未安明日依承傳命招為之事敢啓傳曰允
○司憲府劄論臺諫所啓使監司查覈事未安答曰省劄
具悉○以柳寅吉為大司憲俞大建為承旨李大燁為應教
朴自輿為典翰柳孝立為弼善李廷龜為承旨柳忠立為
舍人傳曰兵曹參判李冲判尹除授李冲樑之孫也為人貪
饕餮為悍 宣祖朝嘗為刑郎被劾官止於縣令王即位外
結權奸內通宮掖作奇伎淫巧以中主欲家貲巨萬日費四
兩銀為珍羞盛饌以為進供王非李冲之饌則不食為都監
提調營建兩關日夜嚴督隨之以酷刑役者相戒曰李提調

之杖南都廳之目南謂以雄也冲以此嬖於王不次超擢至
於贊成而死將死之時王聞其病革亟拜贊成冲已死矣○
甲子領議政奇自獻啓曰臣承命進詣矣昨日右議政敦諭
出仕同奉都堂錄事已為入啓允下臣不可獨為待其出
仕而為之為當散啓傳曰允○丁卯兵曹啓曰安邊府使李
時藪所備煽燄多至六百十三斤非但甲於一道亦且優於
他道極為可嘉論賞何如傳曰加資○司憲府啓曰馬梁
僉使李文菴本以泛濫之人赴任以後允為防禦皆置怠息
外以剝割肥己為務請命罷職答曰徐當發落○司諫院啓曰果川縣
監鄭暘為人悖安居官不謹圻邑殘民不堪其苦請命罷職答曰徐當
發落○後三日傳曰依近例令本道查覈查覈後鄭暘先罷○已巳右
議政鄭昌衍十度呈辭入啓答曰辭章十上深用缺然因卿引入獄事
未完豈非未安宜遵前旨調理出仕○司諫院啓曰扈衛禁中之事至
嚴至重八直之卒不可頃刻離所而訓練都監大將邊應星敢以私事
傳令使喚或令造家或令放鷹使屢日闕番受料官家扈衛君上之卒
為大將者何敢如是擅用以營私事其縱恣無忌不有軍律之罪若不

繩之以法則軍國紀綱將無以收拾請命拿鞠定罪清河
縣監田得雨愚蠢無識頃於釋奠之祭以豆代果有一儒
生言其不可則加以歐辱一道之人莫不憤罵至於通文聲
罪請命罷職荅曰邊應星推考田得雨徐當茂落翌日
傳曰田得雨事令本道查覈○庚午司憲府啓曰地部乃
貨錢所在直宿之負不可一刻無也正郎羅訥頃於吏曹
擲奸時公然闕直便為巧謀歸罪下吏欲為幸免之計請
命罷職戶曹不恤公議多費辭說張皇陳啓使闕直者圖
免應罷顯有循私之迹請戶曹色郎廳亦命推考海賊窺
茂為患久矣頃日庇仁前洋賊船二隻公然入來仁川興利
船舒川載柿船全羅道上來船並為掠去而縣監崔榮門
自謂儒生不聞軍事畏縮不出遂使鼎中之魚假息而歸
請崔榮門先罷後推本縣乃是海路要衝自前差遣武臣
其意有在今後武弁中有才望者各別擇送荅曰依啓羅
訥推考崔榮門徐當茂落○辛未傳曰訥命捧出內宮
擎奉陪進禮曹堂上即廳行祭時進訥命禮曹堂上官

闡令內官各加一資○傳曰癸丑甲寅年送獄推鞠時大臣判義禁各鞫具馬一匹賜給禁府堂上柳公亮閔馨男趙存世朴彛叙鄭晔刑房承旨權縉各加一資兩司長官崔有源贈加一階宋諄尹孝令李志完李好義柳浦尹銑金止男宋錫慶各加一資朴健金緻各熟馬一匹柳慶宗金質幹李冲李惺各半熟馬一匹宋克訥李弘望李挺元各兒馬一匹裴大維吳汝穩孫個南以俊朴知道朴梓崔東式李久澄金頊各弓子一丁賜給閤事郎廳吳靖丁好善洪霄丁好寬南撥韓汝漫各加一資申景洛贈給一階韓纘男鄭造陞堂上不久各熟馬一匹馬靴一部賜給趙存道朴鼎吉李景漫各熟馬一匹馬靴一部賜給刑房都事南斗瞻陞叙李茂林守令除授文書次知李景嵩南以敏六品遷轉宋文吉守令除授許倣洪振道洪克儉朴定生尹起三李元樞並陞叙李春榮守令除授金尚立李應天六品遷轉李文榮李崇義李斗南許緹洪時立各加一資資窮者代加朴塘李義健宋榮業安克忠各兒馬一匹

宋圖南朴晉章尹徽安泓各弓子一丁賜給○傳曰火咒
都監都提調領相鞍具馬一匹提調柳根朴承宗各半熟
馬一匹李尚毅熟馬一匹李慶深加資李守一半熟馬一
匹韓希亮加資即廳韓好問等陞叙○傳曰祔 廟都
監都提調領相鞍具馬一匹賜給提調李尚毅李甫瞻朴
槿南僅加資宋諄熟馬一匹柳根半熟馬一匹金閔兒馬
一匹賜給都廳朴自興柳希叅加資洪敬續權侗金頊
各加一資資窮者熟馬一匹賜給朴自凝鄭世美陞叙朴
簞鄭維藩金期遠朴來章各兒馬一匹追崇時謚冊文
製述官柳根王冊文製述官李甫瞻謚冊文書寫官沈悖
王冊文書寫官吳翊各熟馬一匹賜給寶篆文書寫官題
主官金尚容加資○傳曰掌樂都監都提調軍器寺備
禮廳都提調右相鞍具馬一匹都廳曹明勗即廳李涵
李英熟馬一匹張晚李守一李覺各衫兒鹿皮一令閃
馨男趙存世朴彛叙各弓子一丁賜給即廳尹衡哲尹起

三並陞叙○傳曰西北之虜未殄而防備等事日甚玩愒
予每念及夜不能寐本司更加規畫嚴軍律擇將領繕修
器械申飭烽火偵探敵情撫恤軍兵添兵峙糧教鍊成就
等事十分料理措置以紓予憂邊之意言于備邊司

光海君日記卷第九十九

八年大明萬曆四十四年正月朔壬申吏曹啓曰左議政鄭仁弘劄子

內往在明廟朝搜舉逸民特除守令其時曹植成運李恒

成悌元若千人俱登薦書或仕或不仕皆名世之賢也逮至

先朝聖明知取人不可局於科目別立名設經明行修不次

擢用才堪守令等四五條而不以為煩蓋以士之在世有素

高高趣不屑以科目求進者有悃悃無華志在徇國而短於

進取者有材器可用而累舉不成退伏田畝者此等人材非

科目所能盡故也當是時閔純崔永慶趙穆韓脩等俱在選

中或就或不就皆一時之名流也其次柳夢鶴洪可臣等十

數人亦皆以賢良著稱或為臺官而先王有世未嘗無人

之歎或為州縣而民有召杜之稱蔚然為明時之盛美豈殿

下亦嘗聞知也比年以來寂然無此舉措士子爭趨於科目

不復知有此行若不為濳動之舉以新其觀瞻則無以振頽

風而收人心伏願殿下思祖宗之舊規念人材之或遺令

該曹廣加搜訪彙分標題隨其才而授之任則濟川之舟楫

大旱之霖雨雖未保其必得至比於今日之百執事宜有不
可同日語者矣况爵祿所以勵世仍以此作成之則彼修行
於家而求用於朝者亦當待文王而興矣傳曰令該司議處
事傳教矣大臣陳啓之辭該曹不敢擅議何以爲之敢啓傳
曰經明行修之士依先朝收用可矣但名實必孚然後可
無愧於擢用之典自本曹十分詢訪可用人勘定于大臣入
啓處置○傳曰既經祔廟大禮左通禮鄭榮國加資○判
尹李冲辭職劄子荅曰省劄具悉卿盡心國事勤勞茂著况
茲新授之職尤非不堪之任宜勿控辭更加彈誠冲夤緣官
妾致位貳公贊成宮闕之役王甚眷偉○甲戌兩司合啓三

聘渫等嚴鞠事秘密事李顯門嚴鞠事荅曰已諭休煩○乙
亥太白晝見○兩司合啓三聘渫等嚴鞠事秘密事李顯門
嚴鞠事荅曰已諭○傳曰保放罪人書啓○兩子兩司合啓
三聘渫等嚴鞠事秘密事李顯門嚴鞠事荅曰不允○丁丑
冬至使閔馨男許珣在北京以秘密馳啓國史野史皆有
本國誣枉之語臣等呈下禮曹云云所謂國史即大明會典

光國諸臣所已辨明者其野史或先已行於東國筠家素有之書其言有不足辨者筠或為真贋作雜其間又有伍負莘所述林居漫錄草本尤可疑筠撮拾上聞以中王意遂以子誣自任矣○兩司合啓三聘溲嚴鞠事秘密事李顯門嚴鞠事答曰不允○司諫院啓邊應星拿鞠事答曰不允○戊寅傳曰左右捕盜大將命招聽傳教出去○兩司合啓三聘溲嚴鞠事秘密事李顯門嚴鞠事答曰不允之意已諭休煩可矣李顯門事當議處姑勿強論○司諫院啓邊應星拿鞠事答曰休煩○己卯傳曰繕修都監卽廳監役官等實職隨闕隨出事言于吏曹○傳曰既經祔廟大禮宗廟令以下並陞叙○傳曰文廟焚香時執事官書啓○傳曰錄勲未封君人負令勲府一一付祿○進士尹大起上疏請亟正景禧追戮之刑○兩司合啓三聘溲嚴鞠事秘密事李顯門嚴鞠事答曰已諭○庚辰答右議政鄭昌衍十一度呈辭曰予日望之而辟章又至不勝驚怪宜體予意調理亟出毋庸固辭○兩司合啓三聘溲等嚴鞠事秘密事李顯門嚴鞠事答曰已

論○司憲府啓曰長鬻縣監辛邦檣到任之後以利民肥己
為事沿海殘邑日就無形請命罷職荅曰徐當葭落○辛已
傳曰稷山內奴婢身貢累年不為上納自壬子年前後官吏
推考重治解由憑考事一依 先朝舊規着實舉行○傳曰
春訊已迫邊上多有可虞之事南邊防備不可不規畫修舉
至於西北之事亦甚無形備局大臣以下頻數會坐料理進
不進單字亦依前例書啓事言于備邊司○傳曰 誥命頒
降告祭獻官以下詳考書啓○司諫院啓曰都目臨時吏曹
牌招各司官負大典考講時不通及不進人負汰去舊例也
其汰庸劣澄仕路之意固非偶然頃日考講時不通及不進
者非一而尚保其職物情莫不怪之請並命汰去部將韓震
英邊泳盧洵等皆於上年十一月謝恩因為後仕而至今不
為署經其愚蠢不識事體甚矣且不無挾詐謀避之意物情
莫不駭怪請亟命汰去荅曰韓震英等汰去推考牌不進事
徐當葭落○司諫院啓長鬻縣監辛邦檣罷職事荅曰不允
○兩司令啓三聘滌等嚴鞫事秘密事李顯門嚴鞫事荅曰

已諭○壬午傳曰河原君夫人卒逝此乃大院君奉祀冢婦也別致賻喪奠事另加察為○傳曰河原君夫人喪事棺槨速為題給○兩司合啓二賊事秘密事李顯門事荅曰勿為煩論○司憲府啓辛邦櫓罷職事麟山僉使洪達素以微賤之人到任之後侵虐軍卒巨鎮將為棄地請命罷職其代各別擇遣○司諫院啓曰都目臨時吏曹牌招各司官負大典考講不進人負汰去舊例也頃日考講時不進者非一而尚保職名物情莫不怪之故臣等欲為論列而聖批以徐當發落為教臣等不勝悶鬱焉請亟命汰去以懲其罪荅府院曰既下徐當發落之命則姑待結末可矣洪達事徐當發落○癸未傳曰河原君夫人喪所棺板題給事昨已下教而至今不為舉行當該官吏推考速為改備以送事政院更加申飭此外致賻與河陵君夫人喪所致賻數一樣乎察啓○進士尹大起上䟽略曰王法莫嚴於討逆而必在於明斷明以燭其狀斷以正其罪王法無所撓而亂賊不得肆矣嗚呼亂臣賊子何代無之而克逞之恣未有如景禧者也何者當初景禧之

被訊也削職之命出自聖斷助成亮計者並加嚴訊其為竒
貨者亦竄海曲則殿下之討逞明無不照斷無不至而鞠廳
諸臣不得奉行天討至於三司惟事媮媮度日掩蔽糊塗終
無一人請討而遂使渠魁首領尚保踰年人臣之義果如是
乎伏願殿下夬示乾斷亟正景禧追戮之刑又治三司容護
之罪則宗社幸甚荅曰疏辭具悉當議處焉仍傳曰此疏
下禁府鞠廳議處大廷等承柳朴陰噬相繼投疏以乾爾瞻
之黨○乙酉白虹貫日○前正兵靖應教李挺元舍人丁好
善興海郡守丁好寬永川郡守南樞載寧郡守韓汝澂司僕
寺正柳希亮典翰朴自興直提學柳希發左通禮鄭榮國今
加通政咸鏡監司柳公亮工曹判書李尚毅知事閔馨男皆
加宗祿大司成趙存世禮曹叅判南瑾護軍宋錫慶皆加嘉
義義寧君宋諄帶原君尹孝全驪城君李志完皆加正憲副
提學柳瀟洪州牧使黃謹中皆加嘉善黃州牧使李慶深加
資憲知敦寧金尚容加宗政禮曹判書李爾瞻加輔國以宋
諄為大司憲鄭寅為掌令尹詡為司僕正李偉卿為吏曹佐

卽朴樸為典翰許傲為潭陽府使南省身為奉教李沆為待
教李慶全為刑曹判書辛光業為校理柳希敬為吏曹叅議
俞大禎為兵曹叅判李安訥為公洪監司金義直為公洪水
使李覽為奉常正柳希亮為禮曹叅議吳汝楨為吏曹正卽
前大司諫李好信加嘉善都承旨尹銑加嘉義刑曹叅判李
好義加嘉義前叅判金閔禮曹叅議柳澗加嘉善○持平趙
國賓啓曰臣慙駭空踈最出人下尋常職名自知其難堪言責
重地夢寐所不到叨冒以來夙夜戰悸常恐其不能報效者
久矣伏見進士尹大起之疏有曰景禧陰謀逆狀已極敗露
而三司惟事媿媿無一人請討云夫景禧乃故勲臣申礪之
子也礪之為人別無可紀之善而頗有朴直之名景禧之不
肖甚矣而不見絕於人者蓋以其父兄弟子弟也渠本愚而多
氣好為浮誇有善叅聽議論者也奔走周流額額不休其所
與相熟者則人情之間不忍拒來而已知其不吉底人也及
至鳴國之事與鳴國相親無不知之而力囑臺官又欲速除
之狀國人咸疑當親臨鞫問之時前後供辭極涉陰究網繆

之跡昭不可掩而其所以遷延至今不即論請者蓋欲鞫廳
之議處耳豈有一毫容護之心哉雖然忝在言地被人醜詆
則不可晏然仍冒請命罷斥臣職荅曰勿辭退待○執義孫
侗掌令黃益中持平任性之大司諫李覺司諫金質幹獻納
姜縝正言洪堯儉韓詠啓曰申景禧事自上已令鞫廳議處
臣等待其議處而今見進士尹大起疏辭極加醜詆臣等何
敢偃然在職乎請命罷斥臣等之職荅曰勿辭退待○承政
院啓曰允推鞠必叅之以三司不備則不得按獄體也臣等
即見癸丑年推鞠時推官以下書啓單子則罪人沈燮沈友
英朴宗仁臣魁也當癸丑五月初四日承服之時崔有源以
大司憲入侍以避嫌出去招執義金止男入叅按得沈燮承
服止男又以避嫌出去又命招掌令鄭造入叅按得沈友英
朴宗仁承服云罪人承服雖在一日而就服之際各有入叅
之負今以沈燮懸錄於執義金止男名下沈友英朴宗仁懸
錄於掌令鄭造名下此則當然矣而至以沈燮沈友英朴宗
仁疊錄於大司憲崔有源名下且罪人禮伊既懸於金止男

名下又懸於大司憲尹孝全名下矇然入啓昧亂聖聰不小
論賞之事至於如此極為駭愕請其時當該都事推考色吏
囚禁重治一一更查改付標施行傳曰允○傳曰考講時牌
不進人負汰去舊例乎察啓當初推考今又汰去何耶政院
察之○丙戌弘文館副提學柳浦典翰朴梓校理柳活辛光
業修撰柳汝恒李塔啓曰伏見尹大起之䟽以容護景禧詆
斥三司兩司多官以此引避均被醜詆勢難處置惶恐待罪
荅曰勿待罪○京圻監司狀啓道內善治守令楊州牧使李
昌庭利川縣監沈宗敏仁川縣監尹璿月串僉使李文煢等
褒獎砥平縣監柳澈尤甚不治為先罷黜事○弘文館劄曰
推鞠之事極嚴且私自非參鞠之人則固不得議其輕重故
雖有請討之䟽自上例下鞠廳而議處矣蓋欲詳覈所供得
其當而已大起以么魔外間人鞠廳之事從何得聞而至於
陳䟽容護之罪醜詆三司肆然傾陷固有紀極其計可謂巧
且恠矣景禧前後之供其時各人之招昭載推案中鞠廳自
當議處而因䟽乘隙張皇辭說與大起迭為唱和互相表裡

極為叵測至如欲待鞠廳議處者誠有所見別無可避之嫌
請持平趙國賓遠差執義以下大司諫以下並命出仕荅曰
依啓○丁亥承政院啓曰今日乃正月上元之日也白虹之
變極為兇慘古人云人事失於下則天變應於上未知今日
之變為某事之失也然天心仁愛變不虛生鞠達之獄四年
未完南北之虞日復日甚經造久廢而下情不通臺論雖切
而言不見信贖法不嚴貪夫無懲土木方興糜費不貲此皆
足以召民怨而致天怒也況今大無振古所無天之示變也
至於如此不知將來之變復如何也轉災為祥只在於恐懼
修省臣等職忝近密目見非常之變不勝憂悶之至惶恐敢
啓荅曰上元之日虹貫大陽不勝驚慘良由寡昧不辟之致
徒切兢惶當更加體念○荅昨日政院曰考講時牌不進人
負事知道姑勿煩論事言于憲府○傳曰朴自興詳知首末
欽敬閣校正廳副提調差下使之仍察校正之役○承政院
啓曰癸丑甲寅年保放罪人速為議啓事命下矣禁府都事
再再言送則回荅內本府堂上皆曰今此罪人俱係鞠廳且

判存事朴承宗同知事柳夢寅方在呈告自本府決難議啓
云問于大臣則令禁府議啓事命下不可議啓云推委彼此
不小傳教之事久未舉行極為未安何以為之敢稟傳曰判
義禁出仕後即令鞠廳議啓○弘文館劄子敬天灾恤民生
開經筵而廣言路扶正論而定是非擇良將以固邊圉嚴賊
法以革貪風明賞罰以振頹綱事○答弘文館劄曰天灾之
慘實由不辟今見陳章良用惕然諸公亦盡公正之道以弼
予違以答天心○戊子傳曰安彦吉針術頗精云付軍職常
仕內醫院白鶴起亦針術精妙而時居嶺南云下諭本道使
之速為給馬上送○答右議政鄭昌衍十二度呈辭曰日氣
漸為和暖宜勿固辞安心調理待差速出○兩司合啓三聘
深等及李顯門嚴鞠事秘密事答曰已諭○備邊司啓曰上
年因南邊巡檢使書狀京官下送時時點視賞罰而御史葢
遣事自下擅使為難上裁施行事入啓允下矣目今春汛漸
急賊情叵測近年舟師之事解弛特甚京官擇的當負役下
送或遣御史巡審尤為便益何以為之敢稟傳曰御史極擇

擬望○司諫院啓曰湖西一道物象地大素稱難治况今歲
飢民負契瘠多端方面責任比平日尤重新監司李安訥名
望未著且無才局決難堪任請命遠差其代各別以望重有
幹局之人擇遣司憲府掌令鄭寅前為直講時除授後過限
謝恩有違法例物情非之不可仍冒風憲重地請命遠差答
曰依啓○司諫院劄子白虹之變時契陳戒事答曰天災之
慘實由不辟今見陳章良用場然諸公亦盡公正之道以弼
予違以荅天心○己丑傳曰依前朝舊例以曉解天文人擇
差觀象監兼教授使之驗察天文且天文地理冊子印出事
令觀象監議處○大司諫李覺啓曰昨於完席同偕以掌令
鄭寅過限後謝恩事發論臣初欲鎮靜良久持難而慮有開
端不待已泛之矣今聞物議以為果以過限為不當則何不
論之於直講而提起於移拜之後啓此騷擾耶謹然以臣為
非臣不可覲然仍冒請命遠斥臣職答曰勿辭退待○正言
洪堯儉啓曰前掌令鄭寅除授直講幾至五十日本館以過
限未肅拜牒報吏曹之後渠何敢偃然謝恩左相鄭仁弘於

衆會中言其可論而除授憲官遷出於物情之外臣以城上所因其物議而與同僚相議論之矣今見李覺引避之辭臣何敢自以為是而晏然仍冒乎請命遠年臣職荅曰勿辭退待○司諫金質幹獻納姜絳正言韓詠啓曰昨日完席同僚以掌令鄭寅曾為直講時除授過限後謝恩為非而發論故敢為論啓矣今見同僚引避之辭不可苟且仍冒請遠年臣職荅曰勿辭退待○幼學李瑋上疏請先正三司護送之罪速為景禧追戮之典○執義孫侗持平任性之啓曰凡除授之限遠道四十日而避方謝恩者比比有之至於臺諫亦有過限稽謝者一避之後仍為出仕今者鄭寅前授直講時自卿入未隨例謝恩厥後自覺其非方為呈旬求解之際忽拜掌令臣聞寅欲舉此引避而不意諫院經先舉劾至於張皇辭說詆及本府臣實未曉其意也雖曰過限此非大段所失該自避而啓遠亦非晚也急急論劾豈無其意乘時巧中之情並明若觀火年少喜事之惹起開端每每如是此漸不可長也臣竊痛惋臣既被詆斥不可覩然仍冒請命遠年臣職荅

曰勿辭退待○掌令黃益中啓曰伏見正言洪堯儉避嫌之
辭前掌令鄭寅除授直講幾至五十日始為謝恩以過限物
議詳然以憲府諸官不為據法先論遷延待日默無一言云
臣忝在風憲重地昏昧疲軟之失固所難免決不可覩然仍
冒請命罷斥臣職答曰勿辭退待○庚寅太白晝見○承政
院啓曰以宋錫慶上䟽察啓事傳教矣取考禁府鞠廳文書
則癸丑年六月二十三日親鞠時司諫金止男入侍罪人禮
伊承服取招後新除授大司諫宋錫慶申時入未以此觀之
禮伊承服時金止男入叅分明宋錫慶則不干但文書中癸
丑六月二十五日天真承服時宋錫慶以大司諫入叅而書
啓單子中漏落故改付標啓傳曰知道宋錫慶加資仍授○
承政院啓曰白虹之變出於上元白虹之災在於既望曾未
數日白虹貫於日天之示警至此之亟臣等聚首驚愕因知
所為恐懼修省上荅仁愛之天晉接臣僚咨訪致治之要凡
所以盡其弭災之道在所汲汲臣等區區之誠不敢不達荅
曰天變至於此極同知攸濟願盡心啓沃以匡予失啓辭當

更加省○荅願議政劄曰左相長往右相在告濕漫等鞫事
未完此豈卿求沐引退之時乎宜念義理勿辭察職○以李
珪疏傳曰下鞠廳議處○傳曰崔應虛李命男加資○工曹
判書李尚毅劄子加資辭免事荅曰既有近例安心勿辭○
弘文館上劄曰凡官除拜過限則改差乃是金石之典也諫
院據法論遠深得言官之體而既參其論又有後言至以雖
曰過限此非大段所失云爾則殊非法官之論其昏昧疲軟
引咎者已知國法之不撓別無所失請正言洪堯儉司諫金
質幹獻納姜縝正言韓詠掌令黃益中並命出仕大司諫李
覺執義孫倜持平任性之遠差荅曰依啓○辛卯兩司合啓
二賊事秘密事李顯門事荅曰已論○領議政奇自獻劄子
病重溫水沐浴事數日內白虹貫日之變疊見乞賜遶免事
荅曰再省陳劄具悉卿懇疾病之作人所難免而治療不必
在於遠浴災異之作實由不辟策免寔前代之謬舉卿於此
時固當匡救予失以荅天譴調治醫藥以收有喜何可引咎
乞退孤負予望乎宜遵前旨勿辭○以朴自興為同副承旨

柳寅吉為大司諫韓王為持平朴槿為大司憲李大燁為執
義鄭遵為持平柳浹為弼善柳孝立為濟用正李慶全為弘
文提學孫侗李大燁無輔德朴鼎吉為應教李誼為司書任
性之為文學申翼壽為兵曹佐郎尹調元韓德遠為同知朴
慶新李場為都摠管崔應虛加通政林健為掌令○壬辰大
司憲朴槿啓曰臣性資朽闇濫叨至此若涉淵冰踈踏靡寧
臣於至日極寒刺急不暇着衣裳良久雪庭觸傷無數歲首
大禮尚不克參病患人所難免而罪責則極矣目今邦本瘁
矣國勢危矣人事之召時變曰極木妖朕妖奢風大振赤珥
白虹災孽並至不知前頭有何慘毒之變耶思之至此心骨
俱寒而殿下少不動念安其危而樂其亡不知天心已去國
勢斯極臣不可彈冠婦寺之流只占榮秩與其死於亂兵之
下無寧死於殿下之鈇鉞乎東海之蹈雖云晚矣北闕之到
此其時也且臣本無威望見輕於人固也吏曹佐郎李偉卿
以其祖父攻斥李樛時論偉之偉卿秉氣加人無挾自恃李
沆喜事之憂安得不發也朝者與臣相遇典醫監路不遠之

處偃然不避臣之見輕甚矣臣不可強顏請令遠斥臣職答曰勿辭見卿陳啓天變之慘雖實由不辟而措語之間多有駭異之辭無乃卿過於憂時而遂成心疾耶攻予勿偏卿亦務恢公正之道以匡予失以弼予違榘本瘕蠢失性忽有此啓其言固無主見而亦因此忤於時輩○傳曰巡檢御史望以曉解邊事之人十分改擇擬○右議政鄭昌衍十三度呈辭○巳時日暈兩珥白虹貫日○癸巳兩司合啓二賊事秘密事李顯門事答曰已論○司諫院啓曰吏曹正郎朴弘道本以鄙瑣反覆之人且無行檢自知不容於世詐託公論欺瞞一時自入銓曹之後一以交搆彼此誣陷士類為己任把握政柄專擅無忌鬻官賣爵賄賂盈門國言籍籍道路以目而恬不知恥百計經營傾軋濁亂之狀不可不懲請命罷職不叙弘道初附甬瞻如事父兄及景禧獄戮弘道怨甬瞻黨敗遂生背竄之計欲反攻甬瞻瞻黨論劾如此弘道交通內嬖常自稱潛龍故人未幾復用甬瞻亦不能制○大司憲朴榘啓曰獻納姜縝本以卑微輕妄之人謀陷銓郎正言洪堯

儉喜事作孽惹起鬧端請並命罷職以懲浮薄交亂之輩
○荅司諫院曰此時何時而在朝之臣不思同舟之
義日事排軋爭鬪乎此習不可長也勿為煩論○甲午典翰
朴梓上疏曰伏以臣本無狀過蒙寵擢屢叨非擬含恩罔極
糜粉難酬芻念近未騷擾之端豈無所由李偉卿本以浮薄
喜事之人急於進取不顧廉耻朴弘道鄙其為人屢為裁抑
偉卿以此銜之欲中弘道者久矣而朴鼎吉為之謀主咫尺
天威漏落深沈二字弘道非之故深嫉弘道且弘道力進柳
希毅於叅議怒其相避見遠陰囑臺官先論鄭寅力排中緩
之論而臣及弘道亦攻此論者也論寅為弘道而發論弘道
為臣而發也臣頃於玉堂處置時臣意則欲並遠洪堯儉以
為鎮靜而為同僚所止臣之苟同慮其起鬧也李塔鼎吉之
腹心也頃日銓郎新薦時弘道舍李塔而取韓玉塔以此怨
弘道臣為執義時因吳汝楨聞塔私用贖物府吏唾鄙塔見
遠持平之後至於送簡臺廳欲推未捧之木多至四十四端
臣極陋之塔以此緩論為李惺報復地而臣曾忝玉堂時上

劄亦以此也。今者既駁弘道，又欲去臣及李覺孫，個任性之。南省身李注韓定國，若干輩次第鋤削，未知其幾何人也。目今天變疊見，人心恟懼，此正同寅協力共濟時艱而交搆傾軋。先自搏擊臣實痛之，只緣殿下快示好惡，是非整定而舍沙射影，必欲中臣而後已。臣孤根也，勢不得不去。伏願殿下鑄改臣職，俾安於田廬，不勝幸甚。○副提學柳浦校理辛光業修撰李塔柳汝恒劄曰：臣等既以今月十五日白虹貫日之變上劄矣。十六日月食，十八日白虹，又貫日。十九日太白見於未地。二十一日白虹貫暈，是何天之示譴。式日斯生，以警我聖明之時乎。此正君臣上下恐懼修省，以迓續乃命之日。而近來倫紀斁絕，義理晦塞，一種邪論反生於討逆之中。自鄭造尹訥、李偉、卿等各處兩宮之說，忘君負國之輩，指以為一大坑，輒欲為他日網打之故，不幸數三人首鼠而怵禍，託迹於士類，逞謀於反噬，陰為扶護。大妃之計言之至此，不覺寒心。臣等伏見典翰朴穉本以陰險之人，許直於小事，謀避於大論，自前討逆之舉，每每規免，心跡敗露，自知難容。

乃與及覆不測底朴弘道結為腹心弘道是許箴之婿也患
得患失無所不至惟探利欲之機不顧養之惠故作彼此
間無根言語日以交搆陷人為事其跣踉作孽為世唾罵久
矣左相鄭仁弘一見而深惡之曰他日貽禍於士林者未必
非此人也云云如見肺腑契合著龜今乃驗之渠本一即官
把握政柄專擅無忌咬人傾軋樹立私黨公論之發亦云晚
矣頃者擇首以勸上朝慶運官盡孝同慶之說搆成一疏有
若指吾君實有過舉出示於應教臣李挺元李挺元不忍正
視且令吏曹正郎吳汝楨傳言於左相使之陳達於榻前汝
楨不忍正聽便皆拒絕仁弘亦因人聞此等語乃曰若以
大妃內不作巫蠱外不應逞謀則致有此說可也人臣當以
至誠真實之道事吾君豈可使吾君處於危地乎云其痛惋
而絕之之意至矣擇自知得罪於宗社日夜汲汲如鬼如
鉞使弘道為爪牙鷹犬以為自衛之計此國人所知而聖上
獨未及察影耳擇之兄槿病風喪心之人而今授憲長為擇
與弘道所舞出仕之日以陰詭駭異之說驚動君上惑亂眾

聽至於安其危樂其亡天心已去等語專攻上身固有紀極
又以蹈東海之語自附於金孝誠不臣之說末乃攻李偉卿
隱然為慶起等諸賊報仇可勝痛哉公論重葭先罪弘道者
姑以末減而梓等又令樵不有古規不通同僚乃於城上所
詣闕之後又自詣闕狙擊言官排過公論今日襲一人明日
襲二人其所謂誣陷銓官之說浮薄喜事之誚渠實自道也
噫天灾時變疊見層出此何等時而惹起鬧端先葭禍胎舟
中之敵心腹之疾釀國家無窮之禍則風濤之顛大命之近
不朝則夕臣等非不知樵愚劣無狀不足深責而聽奸人指
嗾自陷於欺罔之罪不可不懲請大司憲朴樵罷職典翰朴
梓正郎朴弘道削奪官爵前獻納姜縝前正言洪克倫等所
論至正至公別無可罪之端還收罷職之命明示好惡以靖
朝著昭揭義理以正倫紀不勝幸甚○持平韓玉啓曰臺諫
凡所彈劾必先通于同僚論議歸一然後使城上所詣闕陳
啓乃流未舊例也如或論議互相可否未得歸一則各陳所
見而引避以待處置者所以廣收公議不敢自專也昨日大

司憲朴槿論姜縝洪堯儉時不通同僚徑先獨啓汲汲然如恐不及臣以城上所同在臺諫廳而使之不得知論事之體果若是乎臣以無狀待罪臺官而不能為有無而見輕於同僚至此之極不可覩然仍冒請命違忤臣職○掌令黃益中啓曰臣伏見昨日大司憲朴槿獨啓之辭劾獻納姜縝正言洪堯儉事也常時雖劾一微官必先簡通於同僚同僚之議歸一然後城上所啓之乃流未舊例也而不先簡通徑先獨啓庶官彈劾尚不可如是況此兩臺官乎臣之見輕莫大於此決不可晏然仍冒請命罷忤臣職○正言韓詠啓曰昨日同僚以論罷朴弘道事簡通于臣臣往見同僚相議論啓矣今見大司憲朴槿獨啓之辭至以謀陷喜事等語論劾同僚臣既叅其論豈可自幸獨免偃然仍冒乎請命罷忤臣職○答韓王黃益中韓詠曰勿辭退待○掌令林健啓曰臣於昨日肅拜而以大司憲朴槿私忌不得行相會禮矣朴槿論劾姜縝洪堯儉時不通同僚有違常例其是非曲折不言可知第以未叅相會禮故不得與同僚一時偕避臣不敢偃然處

置請命罷斥臣職荅曰勿辭退待○荅弘文館劄曰省劄深
用瞿然目今上天示警災異日生國事艱危因知攸濟而三
司猝起攻擊一隊之中拔劍啾啾予雖未知所爭者何事而
其蔽奸匿惡病國負君之狀明若觀火朴槿阮曰憲長其獨
啓何傷況有 祖宗朝舊例乎朴槿亦無現著之惡何可搆
虛勒定罪名朴弘道所犯未詳其虛實而但狙擊太極豈無
所以也嗟嗟庭臣不體予意置國家於抗捏之地使寡昧常
獨憂惱於上而反以血戰為能事逮國事土崩之日作孽之
臣雖置大辟有何所益勿為此態鎮靜閑端以靖朝端姜縝
克儉未知受何人指嗾生事朝廷縱恣無忌則罷職亦云末
減玉堂敢為費君護送之議其可謂國有人乎李塔之名既
入於朴槿疏中而乃敢偃然叅劄亦可駭也痛革此習更勿
煩擾○荅朴槿疏曰勿辭目今天災時變至於此極爾等無
論彼此務恢公正之道盡心職事以濟時艱○傳曰朴鼎吉
以親鞫時問事即廳故落深沉二字其意叵測姑先推考色
承旨亦不致察並推考 景禧之獄鼎吉為問事時送招有金

綴深沉之語鼎言不書之至是王以鼎言與弘道相攻下此
教以恐之○荅右議政鄭昌衍十三度呈辭曰天變時事可
憂非一緣卿久入獄事未完三邊防備蕩然無形此豈相臣
辭退之時乎痊可即出共濟國事○以柳澗為兵曹叅判柳希
亮為同副承旨曹挺立為獻納柳鞞為正言柳德新為延安
府使尹調元為黃海監司尹訥兼弼善慶暹為忠清監司特
旨以許任為永平縣令南嶸為陰竹縣監○乙未刑曹判書
李慶全劄子弘文提學辭免事荅曰卿實可合勿辭○副修
撰李塔上疏曰昨日本館上劄時只見朴梓上疏大槩懽然
叅劄矣伏承聖教不勝惶恐且被人搆捏至於此極請錫削
臣職命下司敗與梓對忤事○幼學李楷上疏請申景禧退
刑事荅曰疏辭具悉當令議處仍傳曰此疏下鞠廳議處○
丙申白虹貫日○弘文館劄子曰凡在臺諫者論議不一則
並斥同僚詣闕獨啓或有其例矣至於城上所詣闕之後同
在臺廳不與相議又不簡通往先獨啓者所論非公所失在
彼以朴弘道論罷之事往見同僚相議以啓則豈無所見於

其間而共參其論獨不被劾則其為引咎固其所也未行相
會初非見輕則尤無可避之嫌請持平韓王掌今黃益中正
言韓詠掌令林健並命出仕大司憲朴楫既已被論不得未
避勢難仍在本職遶差答曰依啓○丁酉白虹貫日○兩司
合啓三聘滌請命嚴鞫以正其罪秘密事李顯門嚴鞫正罪
事○領議政奇自獻劄子病重乞遶沐浴事白虹連日貫日
巫遶臣職改卜賢德以答天譴事○執義李大燁啓曰近觀
文象大亂將作微衷所激不得不達朴鼎吉朴弘道俱是臣
父所引進愛惜之人也渠視臣父無異於父臣之兄弟待渠
有同天倫此則國人之所共知也今此鬧端實由於銓郎之
不協臣父招兩人坐一室責之曰人言兩朴不相容終必有
一場紛拏君輩果有是事否君輩於我不啻若骨肉有何厚
薄乎况銓曹重地選置君輩非欲後公而先私也幸勿滯小
嫌同心國事不用耄言後悔莫及二人唯唯而去居數日諫
院論遶鄭宙過限仍冒之失於寅實無大段之過在言官為
循例之論紛紜引避轉輾益深岐而為貳豈不怪哉貪亂樂

綱之輩幸釁而起做出飛語謂弘道鼎吉於景禧追刑一事各有所見致此分離云討逞是何等事而異同於其間乎國家不幸亂逞相繼私黨既分論議各異讓本之請全思之說充塞義理眩亂是非至以各處之論幻做廢妃之言為綱打士類之計誦召八方脅迫君父事將不測當是時也臣父與若干奮義之人擔當討逞恢張正論弘道鼎吉或在言官或在論思一心無他終始相勉寧有同其趨向共其禍福者獨於此一事有所異議乎自古年少輩入銓生事滔滔如是何嘗有假討逞而陷同僚乎此必乘時交搆坐觀而敗欲售奸計者之所為豈不巧且慘哉大抵景禧之追刑自有鞫廳之議處聖上之乾斷弘道鼎吉之所見不著於言語文字之間則孰為是說而為兩中計耶此無他欲嫁禍臣家而先間二人使自相攻以至次第除去也昔王導以弟討兄石碯以父戮子大義所在故也景禧即臣妻四寸甥而於臣父不過子之妻族也豈可以此有所顧惜自甘於護逞之歸哉景禧之逞狀明白昭著而國人皆曰可刑則臣之父子獨曰不可

刑乎或者以此為恐喝之資謂臣之父于將箱口而就死豈
不痛心噫始因兩朴之事轉成波及之勢章疏皆至搆捏為
端鋤削之禍迫在朝夕風憲之任豈宜在身不可仍冒請命
罷斥臣職荅曰勿辭退待○正言韓詠啓曰頃日論罷正郎
朴弘道時臣亦共參同僚既被彈劾則臣不可獨免玉堂之
請出未曉其意臣何敢仍冒請罷斥臣職荅曰勿辭退待○
以宋諄為大司憲鄭廣敬為司諫金質幹為副校理南以俊為
修撰李尚恒為說書○傳曰李揚白李好白捕賊有功之人
揚白實職除授好白高品付祿韓諄乃中廟朝公主親子
付實職因傳教以韓諄為同知○戊戌兩司合啓三聘深誣
告之罪嚴鞫正刑事秘密事李顯門嚴鞫事荅曰論之已盡
休煩可矣李顯門事當議而處之姑勿強爭○司憲府啓曰
朝著不清傾軋相仍而朴相睽只是自中小嫌過限論遠不
過援法之常事而因此轉輾乘時搆捏至以討逆之論謂有
異同於其間以此為綱打士類嫁禍婚媾之計不亦巧且慘
乎大義所在固當滅親蔑孝朽骨有何顧惜而乃於鞫廳未

議之前聖上未斷之日游聲恐喝欲為箱口波及之資章疏
之至何與於討逆之家鉤削之禍寧憂於聖明之世乎執義
李大燁請命出仕同僚之被劾出於獨啓之私玉堂之請出
發於公共之論二人見罷已不厭衆心同叅獨免何與於已
正言韓詠請命出仕荅曰依啓○奉教李汪上疏身在秉筆
出入話頭決難在職請遶事○無說書南省身上疏請朴梓
仲寬事○領議政上劄辭職荅曰天變之慘至於此極憂惶
兢惕若無所歸此由否德忝位不克享天卿宜勿辭擔當國
事以濟時艱丕副予望○司諫院啓曰吏曹正郎朴弘道本
以鄙瑣之人假托公論欺瞞一世久握政柄專擅無忌國言
藉藉道路以目傾軋濁亂之狀不可不懲請命罷職荅曰已
論不允○以南溟羽為檢閱李汪為奉教黃德符為待教柳
汝恪為副修撰鄭之產為水庫別坐之產鄭昭容之甥本賤
孽也特旨補官權盼為羅州牧使丁好善為千秋使金塗為
聖節使傳曰表廷老仍授知事○己亥傳曰備邊司無故堂
上數少以有計慮人堂上數負加差出事言于備邊司○傳

曰舟師巡檢使以正從二品宰臣令備邊司極擇議薦分送
下三道檢察防備○庚子丙子合啓三聘滌誣告嚴鞫事秘
密事李顯門嚴鞫事○司諫院啓朴弘道罷職事答曰已論
休煩○答合啓曰已論無煩○司憲府啓曰鞫廳之事不可
少緩而仇大小議啓及䟽草臺啓許多下議積置經年尚不
回啓斷讞無期獄事未完極為非矣請亟命鞫廳會議處之
答曰依啓○答兵曹判書朴承宗初度呈辭曰天變極慘人
心靡定國事艱危鞫獄未完此非主官之官頻數呈告之日
勿辭速出盡心察職○以鄭造為大司諫柳澗為大司憲李
覺為兵曹參判

光海君日記卷第九十九

Faint vertical text columns, likely bleed-through from the reverse side of the page.

光海君日記卷第一百

二月朔壬寅○癸卯答右議以十四度呈辭曰天灾雷臻國事艱危卿休戚與同之大臣堅入不出深用缺然特序向和昔疾自愈調理出仕以副予望○慶尚監司狀啓通倭信使許典不許自有的當道理請急急定奪回下○傳曰京畿水使韓希吉往在癸丑年以捕盜大將首捕朴應犀仍致罪人斯得使肘腋之變滔天之禍次第就平其有功於宗社大矣適因國家多事未即施賞今可超資除授知中樞府事兼水使下批○備邊司啓對馬島入送武臣金繼信傳曰遞付實職以送○兩司合啓三聘溲請嚴鞫事秘密事李顛門請嚴鞫事不允○司憲府啓曰和順縣監慎守武前為紫門監役時謀奪同僚當次之任人皆鄙之今又移授丹城厭其殘薄未署經之前冒呈該曹至於換差物情尤極駭愕請命罷職且丹城為縣濩設未久蘓殘起廢之責決非尋常蔭官之可堪請以曾經臺侍有治績人各別擇送新縣監李茂林遞差郝目叙相避啓請者只為仕滿當遷而言也非指初入仕

及已出六品而起陞五品之謂也新除授分都摠轄事尹時
俊瓦署別坐尹侃俱與兵曹官負顯有相避人所共知而
冒法注擬至於受黜物情莫不駭愕請益命改正荅曰尹時
俊尹侃慎守武事徐當發落李茂林事試遣可矣不允○荅
朴承宗劄曰省劄具悉卿懇但國事多艱姑為出仕盡心察
職餘當從容議處○甲辰以院啓曰奸細之徒潛火人家利
其偷竊者比比有之軍律解弛坐更之法不嚴都城之內致
有此弊請左右捕盜大將推考申明嚴飭何如傳曰允○政
院啓曰今此祈穀之禮盛世稀闕之大慶况當大無之歲務
農之禮實關於體天心恤民隱之仁而但還宮之時絲桐沉
香山等事決非近來皇天示譴變恠疊出之日所可行者伏
願特軫修省之念命停此事以荅天譴不勝幸甚臣等待罪
近密區區之懷不敢不啓荅曰依啓○傳曰供上紙嚴禁防
納之弊以本色直上納事申飭非一再而近日益甚非但以
不用麁薄紙苟充進排微價民間其弊不貲令法司十分嚴
禁防納人着令該曹更為行會外方以本色直上納看品以

進事各別申明舉行○領議奴劄子大槩近來白虹貫日之
變至於一旬內四出此無非如臣無狀濫叨台鼎久至三年
之致當此之時亟命遶臣職名改卜他人則設使以不及於
臣者為之人之想望稍新而禪益必多也其他相臣亦宜敦
諭出仕使之變理以冀弭災之萬一焉今民飢太甚國廩皆
空不急之後似非其時繕修之後已始而恐雨漏腐朽者外
其餘未始者則姑為停止已建之殿亦姑仍修勿為撤改以
紓物力則轉災為祥雖不可必天意或可以回也新耕之禮
亦姑待年而行似為便當事入啓○丙子合啓三聘渫巖鞠
得情事秘密事李顯門巖鞠以正其罪事不允○傳曰武庫
軍器烏銃等物破傷處一一詳察修改武臣試射習陣等事
另加着實為之五衛將內三廳將時換守令邊將俾無怨咨
○乙巳丙子合啓三聘渫巖鞠得情事秘密事李顯門巖鞠
以正其罪事答曰毋庸強煩○兵曹判書朴承宗劄子大槩
病勢極重決難供職事○傳曰天災皆臻國事艱危而右相
堅入無意出仕深用憂嘆遣承旨敦諭使之出仕○丙午答

領議曰管子曰勿辭繕修之役實出於不得已也此豈樂為之哉今有移泐之意而無可移之所君上不安其居則不必強逼使之仍在一處也親耕已命退行矣○右副承旨俞大建書啓臣承命往敦諭于右議曰臣鄭昌衍則惶恐問迫罔知所達云矣傳曰知道○兩司合啓三聘渫等藪鞫得情事秘密事李顛門嚴鞫以正其罪事不允○司諫院啓曰江華府為海路要衝自先朝峙糧鍊兵為保障之計其意有在而近年以來屢經武夫之手曾所積儲軍餉托稱還上分給散盡無餘官家徒擁虛簿脫有緩急無所恃極為寒心府使趙孝南請命遠差其代令備邊司以秩高有才局文官擇差使之收聚散穀且便宜設屯以盡措置之策赴京軍官及子弟以出身及士族人帶率事自前屢勤下教而為使臣者拘於人情專以請托自望市井無賴之輩濫載禁物貽弊無窮以此遼東都司每行阻撓需索銀兩罔有紀極使奉使之行例致梗滯至於白布以移咨本國俾禁訟路濫馱之弊國家之羞亦已大矣况此輩嗜利賣國無所不至意外不測之

患尤不可不慮請自今以後赴京一行負役令法府一一查
點如有如前冒偽帶率者使書狀各別推考其所帶雜人從
重治罪荅曰徐當發落○丁未左議以鄭仁弘辭職荅曰省
劄具悉不辟忝位國事多艱而卿來遲去速終不回避心深
用愧忤春日載陽宜速上來醫官安心留置以調藥餌劄辭
當體念焉○兩司合啓三聘渫嚴鞠得情事秘密事李顯門
嚴鞠以正其罪事不允○司憲府啓曰相避除職在法當劾
冒私圖授國人所知隨聞論列冀杜後弊而恭俟三日未蒙
一俞物議愈激公論難遏請尹時俊尹佩丞命改正慎守武
罷職且丹城殘弊已甚之狀已盡於前啓中以曾經臺侍有
聲績人各別擇送以責成效李茂林遶差荅曰此非軍國緊
急之事姑待處置勿為煩論李茂林已論休煩○戊申兩司
合啓三聘渫等嚴鞠得情事秘密事李顯門嚴鞠以正其罪
事不允○司憲府啓曰丹城縣監以曾經臺侍有名望人各
別擇送以責成效李茂林請命遶差不允○己酉京畿水使
韓希吉書目知中樞府事辭免事○荅兵曹判書劄曰國事

孔艱近有與卿面議之事今姑宜遵前旨調理速出○兩司合啓三聘溧等嚴鞫得情事秘密事李顯門嚴鞫以正其罪事不允○司憲府前啓丹城縣監曾經臺侍擇送李茂林適差事依啓○庚戌兩司合啓三聘溧等誣告之罪嚴鞫得情事李顯門嚴鞫以正其罪事秘密事不允○陽城居進士李元瑞上疏大槩先治黨逆之罪亟舉追刑之典事呈以院○辛亥兩司合啓三聘溧等嚴鞫得情事秘密事李顯門嚴鞫事不允○荅右議以劄曰國事孔艱罔知做濟忘寢與食若臨淵谷卿疾未瘳如是累辭黃閣論道卧亦可為藥房早仕必致添傷恐難帶疾強行茲適內醫院都提調宜體予意亟出匡輔○壬子前應教李挺元上疏大槩既被李楷構捏下臣司敗與楷對卞事○兩司合啓三聘溧等嚴鞫得情事秘密事李顯門嚴鞫以正其罪事不允○癸丑兩司合啓三聘溧等嚴鞫得情事秘密事李顯門嚴鞫以正其罪事○司諫院啓曰江華府使適差以秩高有才局文官差送事及赴京使臣軍官勿以市井牟利之徒自望帶去事曾已入啓而聖批以徐

當發落為教臣等姑停累日俞音尚闕使開屯措置之事漸至愆期請托爭赴之輩紛紜不止請亟下一命以重保障以杜濫偽荅曰已論○荅合啓曰已論不允顯門事既以議處允下則姑勿煩論可矣○甲寅傳曰今日收議不叅人負並令在家獻議○丙辰前合啓三聘渫等嚴鞠得情事秘密事李顯門嚴鞠以正其罪事不允○司諫院前啓江華府使遠差文官差送事赴京軍官勿以市井人自望事荅曰已論勿煩○乙卯丙辰前合啓三聘渫等嚴鞠得情事秘密事李顯門嚴鞠以正其罪事不允○傳曰江華儲峙已散於趙孝南未赴之前而至今獨咎孝南不亦瘳乎此後收拾難責於孝南可適差其代勿論職秩高下極擇以送赴京負役擇帶事中飭於各行使臣着令各別舉行而已自法府查點恐有所傷也此意言于諫院○丙辰前典翰朴槿上疏大槩被入証罔箕察寃痛事○備邊司啓曰有旨下三道舟師巡檢使極擇下送矣目今下三道凶荒太甚各遣一負厨傳供億其弊不貴今遣御史巡審檢察似為便當如不得已巡檢使必為發送

則兩湖一負嶺南一負叢送以除一分之弊似當敢稟傳曰
李慶全都巡檢使差下使之擇差泛事官三負一負則帶去二負
兮送兩湖檢察軍務○兩司合啓三聘深等嚴鞠得情事秘
密事李顯門嚴鞠以正其罪事不允○右議以辭職上劄○
丁巳太白晝見○無說書南省身上疏大槩被人誣陷予白
寃痛事○戊午太白晝見○以院啓曰有旨義州府尹令備
邊司極擇有名望人議薦矣今觀備局薦望其間難以無名
望秩卑之人而係是大臣薦選敢此封入傳曰知道仍傳曰
義州府尹以有名望之人加薦○己未兩司合啓三聘深等
嚴鞠得情事秘密事李顯門嚴鞠以正其罪事不允○荅右
相劄曰國事方艱此非休戚大臣自安逸之時也宜遵前旨
亟出輔予○司諫院啓曰昌慶宮之明以殿即景福之勤政
昌德之仁政而皆臨朝聽治之所一宮正殿各一而已今此
文以殿乃鍾遙引接之便殿其不可與明政殿並立為二以
紊舊制明矣大槩明政殿地勢狹窄迥不弘敞比之他宮僅
成模樣今若分坐地割大庭並與正殿而東向之則是為正

殿而於義大舛也

祖宗立文政殿於正殿之傍坐向以南

柱制必方創為一小殿別為一兩者非止為便於攸度乃所以別於正殿豈無其意而然哉况今重修舊宮不煩民力凡兩制度無修前人結構已成將還撤移都監累陳不可大臣之言勿毀而天聽追然群情愈鬱此豈但為惜糜費愛民力而已哉古人云不棄舊基又曰何必改作仰觀天象仁愛可畏俯察人事民財已盡尤不可輕改舊制重困民力請勿毀文以殿仍舊重新無廢後觀以紓民勞以答天譴○荅李慶全乞遶都巡檢使劄曰卿久勞于外不宜更煩而國事艱虞知卿必盡心職務茲不暇論於獨賢須臾予意勿辭往返○荅司諫院曰文政殿方柱舊制與否未能詳知改以圓柱有何重困民力之事乎所論太過勿為更煩坐向則當參酌為之○庚申傳曰使施文用往觀 穆陵裕陵成陵形勢以來

○兩司合啓三聘深等嚴鞫得情事秘密事李顛門嚴鞫以

正其罪事○兵曹啓曰大殿別監任敬信稱名人衣黑道袍

着黑草笠自仁以門出來現捉於本曹即廳譏察閣內至嚴

之地變服恣行所見極為駭愕請令攸司推考傳曰允○司諫院連啓請勿毀文政殿事○荅合啓曰誣告及坐事既不載皇朝法律則何可以一時論啓輕施及坐之律乎不允李顥門事既令鞫廳議啓姑勿煩執秘密事忝酌定配勿用煩執○荅諫院曰文政殿東向圓柱事自有都監勿用煩執○備邊司卽廳以領相意啓曰江華府使就本司諸堂上所薦十六人中九人抄出而權盼則無薦矣聞本司諸堂上中有言雖再赴必此人為之然後渠曾收拾而厥後散失之物必能收拾云故並為書啓之意敢啓○辛酉兩司合啓三聘渫等巖鞫時情事秘密事李顥門巖鞫以正其罪事不允○司諫院啓曰聖批以文政殿方柱舊制與否未能詳知改以圓柱有何重困民力之事乎向背當忝酌為之又以東向圓柱自有都監勿用煩執為教臣等不勝悶鬱焉 祖宗立文政

殿於正殿之傍為一便殿其意有在况舊礎猶存基址宛然方柱舊制明白無疑今若改以圓柱則建撤無常為弊不費礎石亦將盡改為後必巨向背若忝酌仍存則柱制亦不可

輕改明矣請勿毀仍舊無後先王之制荅曰已論休煩○吏曹啓曰有旨尹時俊相避事及尹侃慎守武奪次及署經前相避呈該曹曲折自上不能詳知令吏曹並察啓矣自前都目政例以叅下官各歧仕滿當遷者相避啓請而初入仕之闕則似不得備望尹侃與判書臣韓孝純婚家相避而未及致察茫然注擬且慎守武未署經前呈該曹事只依近例驟然以改差啓稟而尹時俊相避陞品事慎守武奪次曲折非本曹所知矣傳曰知道尹侃因傳教擬授則相避不須拘也仍授可矣慎守武奪次事令繕工監更為詳察以啓○兵曹啓曰尹時俊年少善騎射武弁中翹楚宣傳官箇滿陞出六品之後擬差分都掾都事矣似聞前叅議李穡上年赴京時奸黃州女妓或稱時俊之孽妹故席間戲稱叅議之相避叅判柳澗亦同叅笑談而罷曲折如此敢啓傳曰知道此非的實相避仍授勿違○壬戌兩司合啓三聘諜等嚴鞠得情事秘密事李顛門嚴鞠以正其罪事不允○司憲府啓曰相避之法載在 祖宗金石之典近來私情太勝人不畏法以

顯有相避者矇然注擬臣等論執非謂除授無承傳也非謂時俊為恟夫也當初除授別坐之教只是泛然指繕修監役官而已是豈直指有相避尹偁也雖曰賤娼既已率畜則一父所出孽嬪非所論也此而不論則後日濫觴之弊必至於不可救請尹偁尹時俊並亟命改正荅曰仍授可矣勿為煩執○傳曰施文用三陵形勢往見時禮曹堂上及性智偕往以看○癸亥兩司合啓三聘渫等嚴鞠得情事秘密事李顯門嚴鞠以正其罪事不允○司憲府連啓尹偁尹時俊並亟命改正事不允○以兵曹判書初度呈辭還下曰當此邊虞孔棘之日主兵之官不宜久入今姑出仕察職○甲子荅領議政劄曰省劄具悉卿宜勿辭調劑善攝以安公私○兩司合啓三聘渫等嚴鞠得情事秘密事李顯門嚴鞠以正其罪事不允○司憲府連啓尹偁尹時俊改正事不允○司諫院啓曰德源府使鄭象哲以年過七十之蔭官衰病已極當此邊塵報警之日北路要衝之地決不可付諸此人請遞差其代以年少有才畧武臣各別擇差數日內給馬下送荅曰徐

當發落○乙丑太白晝見○鄭起龍上疏言事荅曰省疏用
嘉憂國之誠當議以處之仍傳曰此上疏下備邊司回啓○
司藝朴弘道上疏大槩不幸為奸讒嫉臣者所陷其行間於
人交亂之害可謂罔極矣臣所帶兼職乃是劇務並乞鑄改
事入啓荅曰勿辭○丙寅司合啓三聘溧等嚴鞠得情事秘密
事李顯門嚴鞠以正其罪事不允○司憲府連啓尹偈尹時
俊並命改正事不允○丙寅傳曰三陵往審時他處陵寢可
合處並詳問于施文用性智以啓事急遣宣傳官下諭于領
相○荅右議改十五夜呈辭曰國事孔艱予固知依濟卿以
喬木世臣况有同休戚之義何不諒予情乎目今天時向和
雖有宿恙自當差愈宜遵前旨罷勉以出少紓予憂○丙司
合啓三聘溧等嚴鞠得情事秘密事李顯門嚴鞠以正其罪
事不允○司憲府連啓尹偈尹時俊並命改正事新啓推鞠
廳本非衙門之號又非私自擅囚之地只奉旨推鞠而已近
來禁府卽廳輩或多憑籍囚禁而其所囚者皆是徵債推奴
之事本府堂上常常痛禁而猶不止日者憲府查考典獄署

因法則推鞠廳所囚者多至四五人所見極為駭愕請令禁
府查覈擅囚卽廳一一罷職此外凡非直囚衙門而囚禁者
一切隨現重治○吏曹啓曰因前傳教德源府使曾經之人
取考官案則自壬辰以後以文武交差而已百年以下則以
文官連差矣傳曰知道遠差以驍健勇敢庶謹武臣擇遣德
源外他邑守令何不以武臣改差乎令備邊司議啓○荅朴
承宗疏曰當此南北可虞之日主兵之官決不可遠易今姑
出仕察任待獄事完畢邊虞稍息後當副卿意○荅府曰尹
偲尹時俊已論不允他餘事依啓○丁卯傳曰在外堂上武
臣急速召集羅散者上書啓叙用事令該曹察爲○以院啓
曰北鄙之報雖非萬分緊急虜情叵測在我綢繆之備不可
少緩而主兵之官因病乞解料理防禦主管無人以此軍以
日益踈虞人心日益危懼脫有緩急莫可收拾兵曹判書朴
承宗所患之證不至於朝夕難救則當此之時必已動念有
所規畫於心者請別搢下論強起察職何如臣等待罪近密
目見時事不勝區區之悶惶恐敢啓傳曰允○丙司合啓三

聘渫等嚴鞠得情事秘密事李顯門嚴鞠以正其罪事不允
○司憲府連啓尹偈尹時俊丞命改正事不允○司諫院啓
曰近來上而天變慘酷外而邊鄙多孽人心洶洶不知將有
何患前二日咸鏡監司狀啓書目中老酋精兵無數出來云
彼令都民驚擾不定荷擔出城相繼道路一番虛報猶且如
此脫有緊急將何以鎮定而策應乎此正君臣上下恐懼交
修以答天譴連續乃命之日而鍾筵久廢下情不通諫諍雖
設言不見信猶默成風國事日非豈不寒心請速開鍾筵頻
接臣僚求言詢策以為 宗社臣民計荅曰近當調理為之
○戊辰朴承宗六疏大槩病勢沉痾乞遶事○北道巡檢使
李廷臣西道巡檢使俞大禎解朝傳曰予當面議以送來月
初三日後下往事論之○幼學禹弼亮等上疏大槩丞治李
元瑞罔上陷賢之罪一以定國是一以聖讒說事呈以院○
司果韓詠上疏大槩丞命鞠廳諸臣速為議處以定國論事
呈以院○司憲府連啓尹偈尹時俊改正事新啓允無故遶
職及箇滿者交代未來之前雖在本任大小官事猶且不舉

况被論見遠者乎如義州前府尹既被重駁今已遠推閑防
重地久無鎮守至如江華乃畿內之保障濟州乃越海之絕
域俱不可一日曠闕而當此南北可虞之時薦望封入累日
尚無發落請命速為改事數日內催促赴任典獄署所上推
鞫廳今朔因法因私事擅囚者多至四人署押各異則未必
一人之所為而禁府查覈現告只一人今使此一人應在其
中而其三則必有其人禁府行首掌務都事自相庇護敢為
僥倖之計物情駭愕請行首掌務官罷職更令泛實查覈○
司諫院啓曰老酋兵勢近甚強盛出沒無常迅如風雨在我
陰雨之備不容少緩而我國之人本無長慮有急則驚動無
警則狃安西北防禦之策專委於庸拙文臣病殘蔭官置之
尋常有若無事之時豈不寒心哉臣等之計以為北道則安
邊以北閑西則清川以北之守令皆以武臣有才畧者各別
擇送如或文官中有武才計慮者使之交差責效事請令廟
堂急速議處近來都監大將及中軍一時俱死統制使相繼
暴亡至於文臣宰臣之卒逝非一二國家之不幸孰甚焉大

擊文武將相之材非一朝可辦必須精選預養而後乃可需用於緩急請令備邊司文武中可合將帥之任者會同僉舉以為培養調用之資依啓○兩司合啓三聘渫等嚴鞠得情事秘密事李顯門嚴鞠以正其罪事不允○荅憲府曰不允義州府尹等事既有前官則自當差出不可催迫禁府都事令本府覈啓處置○已巳傳曰可諱之事勿出朝報○兩司合啓秘密三事不允○司憲府連啓尹偈尹時俊改正事不允○庚午右副承旨啓曰統制使李英身死今已十二日而其代尚未差出只以中軍守營春汛方急翔封無人事甚虛踈極為悶慮統制使即為差出一二日內急急下送似為宜當臣職忝色房惶恐敢啓傳曰依啓○禮曹啓曰今此冬至兼陳奏使閔馨男許筠等齋來 皇勅昭雪宗系惡名快辨先王被誣天語動懇 皇恩罔極此實無前莫大之慶迎勅後告 廟陳賀等事似當次第舉行敢啓傳曰議大臣以啓○司憲府連啓尹偈尹時俊改正事新啓承文博士任叔英本以陰兌詭恠之人憤前日削科之教附會邪議誣詆君

父無所不至國人痛惋而近間又與不逞之後捏造無形之言搆陷大賢極其陰慘前後罪惡不可不懲請命削奪官爵門外黜送以正陷君害賢之罪○兩司合啓秘密三事荅曰已諭不允○荅憲府曰尹偲尹時俊等事所論太密不允任叔英事依啓叔英博學工文為世所推嫉惡太甚慷慨傷世事常稱脚病前後庭論皆不參且多聚學徒談論無所忌為時輩所仇時爾瞻等將建曹植書院於曹溪叔英聞而笑之曰曹溪立曹植書院則孔德里將建孔子書院乎時有人題詩於韓續男家牆壁以譏其子預誦冒參郝下傳誦時人頗疑叔英所為故有此劾叔英黜居廣州江上聲名甚籍爾瞻等常欲以送名陷之叔英不為惧曹溪建曹植書院蓋取姓字偶同孔德里在京城西與曹溪相似故云

光海君日記卷第一百一

三月朔辛未備邊司啓曰安邊府使李時發則自前歷試西北
 重任備諳邊事定平府使沈彥明亦稍解武事雖非武官可以
 堪任此兩官則姑勿違易成興判官北青判官鏡城判官此三
 邑以武弁中有勇略才魚字牧之人十分擇差以送為當且韓
 訥以判官被論纒經一二年曾無復歷驟陞甲山府使家居有
 刃殺奴僕之事年少顛妄殘忍之人不可授以闕防之任使僻
 遠重地入於其手任其殘虐並為違差極擇差送似當啟啓傳
 曰三邑判官姑勿違更觀賊情處置韓訥仍授責効○癸酉禮
 曹啓曰迎 勅後告 廟陳賀事議于大臣則奇自獻議依該
 曹啓辭施行無妨伏惟上裁沈喜壽壽議 宗系惡名洗滌已久
 乃於己丑年大明會典頒降時完了無餘蘊此即 先朝光國
 大勳所以增光前烈者也今此禮部覆題亦有業已備細昭雪
 炳如日星頒給該國確如金石等語可見此事非始結局於今
 日也至如 先王被誣固可駭痛之甚而 天朝亦不以閑漫
 文字間無稽不根之說有所致疑於我至曰更有何不白之冤

云云以此觀之則初不待我國之陳奏而卞誣已盡矣若以此
為無前之大慶則臣未能詳知而既蒙 皇勅之明降恩典稠
疊在外藩之道安敢有所輕重於其間也告 廟陳賀等事雖
依舊例舉行亦無所不可伏惟上裁鄭昌竹病不收議大臣之
意如此上裁施行○禮曹三堂上李爾瞻南瑾李瑗啓曰臣等
伏見領敦寧府事沈喜壽議多贊說詭掩蔽卞誣實迹臣等不
勝驚訝敢陳其梗槩焉今此卞誣之舉固出於不得已非敢好
為不必為之事也往在己丑頒降會典雖極昭雪而不科近者
乃有續文獻通考等十餘諸書傳訛襲謬愈出愈繁使天下耳
目眊亂是非蓄疑滋惑不知有會典之續修將以此為傳信之
地若不趁此時更卞快雪則 宗系之謬弒逆之名將未免仍
加而莫白矣况諸書多出於會典既錄之後而至有雖非李仁
人之子宗是黨也又曰 高皇帝深惡其黨以此見之則弒逆
惡名猶夫前也故於今番卞誣之奏歷陳前後曲折一以釋前
日之未盡一以防諸書之為患其事情自與己丑有別矣禮部
覆題所謂炳如日星確如金石等語只言其前日解寃之意也

其末端又曰耻作黨惡之徒羞被篡立之名懼蹈引倭之迹表
其父為恪恭靖獻之臣無非自處于葵倫攸叙之國著書諸臣
先後物故書已傳播無從盡改但得明旨再頒諸書不必更正
而自無不正也去云正為今日道也且 聖旨曰野史所傳原
不足據賜勅與王慰其昭雪先王之意 皇初又有信今傳後
文獻足徵事果厚誣理宜昭雪曠為月旦然屬陽秋等語則無
非力斥諸書之為害也至如全州望族高麗重臣恭愍被弑仁
人專命禍昌非類瑤復不君革故鼎新有同卓犖倭寇憑陵爾
父恢復釜山要害原非侵疆互市羈縻詎聞誘敵有據以大書
特書無忝于祖廟禘廟等語宗會曲所未有而昭揭於今日者
也然則已丑以前之下誣清續修會典同一局也今日之下誣
即發明諸書亦一局也而今此獻議必欲以前後下誣合為一
局又捨 皇初明旨及承該部實題為飾若果何意耶矧我
先王被誣之事尤為痛悔往年雖見臨於丁應恭之構捏其情
情詩酒敗度承侮招倭復地情涉騎斲割地互市後期上表等
語亦應參証既中兩不道者也許多巧言醜態狼狽籍諸快目不

忍親口不忍言是亦已下於會典者乎血氣所生固當腐心痛
骨并顛下証之不暇而今此獻議乃謂天朝不致疑於閑漫
文字有若不及者然折何意那以措捏君父之書反以為閑
漫文字則指何書為著宗文字耶其所謂不待陳奏下釋已盡
者不幾於無極之甚者乎噫杜天下諸書之言何歎於續修會
典之載錄詔先王無窮之痛豈異於前代之惡名乎聖
上誠孝格天增光前烈痛下先証皇勅詔降聖諭勤懇寵渥
隆洽異數優越二百年來豈所未有而況禮部答政府呈文以
林居漫錄中爭立二字比之於宋仁宗被湘山野錄碧雲殿等
書之污穢其行負萃傳聞之失誤美聖上禮義之不愆劄付之
意至矣盡矣九我一國臣民莫不欣忭鼓舞佇見曠古盛禮而
今乃獨以無前大慶則未能詳知為言臣等之意以為雪累世
不明之系者先王之既遂懇祈也洗宗系未盡之滯羞下
先王周極之厚証者聖上之益闡先猷也然則成始成終善繼
善述前聖後聖其揆則一先國之舉今日之事均是大慶有何
輕重之可論乎臣等待罪曲禮素無識見錯認君父昭雪至痛

為大慶率爾啓請告 廟陳賀等事以致大臣游辭其間臣等
之罪至矣惶恐待罪答曰大臣豈無所見而獻議如是守卿等
無與相爭安心勿待罪○兩司合啓秘密三事不允○司陳院
啓曰近來臺官論一守令必使本道查覈初一庶官必曰徐當
該落上不信下下不盡言奸贓狼藉不為佐仕路溷濁而視
為尋常淫居九重罕提舉工聰明易敬情意未孚至於軍國大
事必咨會議所當快施以不倚毗之量而三邑之擇送武臣韓
切之不宜驟陞竇出於廟謨之得宜而非徒不為嘉納又從以
更觀賊勢仍授責効為教萬一邊警告急雖欲更觀責効得乎
既不聽其臺官之言又不允廟堂之議一向退托安於姑息天譴
於上而不知畏民怨於下而莫之恤將至於國事日非人心日
離雖有忠言至計將無所裨豈不寒心哉請信任廟堂凡告謀
敵輒施無遺三邑守令擇送武臣韓切亦為違差優納諫諍本
道查覈及徐當該落之教一切勿為以重腹心以廣聰明答曰
三邑守令事邊警未知的報農時守令先遞未安韓切亦仍授
責効可矣不允本道查覈徐當該落事當奉酌為之○甲戌晉

州幼學河鏡昭上疏請選用良將以備南北之不虞○兩司合
啓秘密事不允○司憲府前啓甲山府使韓詔通差事尹侃尹
時俊改正事不允○乙亥答前日禮曹啓辭曰大臣之議不一
告 廟陳賀勿為舉行○兩司合啓秘密事領敦寧府事沈喜
壽性本回邪濟以巧詐平生用心行事唯以及覆覆幻為能事
不識君臣之義尚在大臣之列凡遇詢咨輒生異論必欲壞國
事種種作孽為一宗魔至如教人上章鼓扁石履卑之說及值
律獄倡全恩護逆之論且飛書所親厚詆君父有士類滿獄民
在沸鼎恨不得作故等語其時臺評雖發聖恩曲貸正論不行
王法不舉獲保今日亦云幸矣今此三件被誣察我國臣民窮
天極地之痛也 宗系之昭雪雖在於 先朝而黨逆之名尚
未快滿則 祖宗之羞辱猶舊也應泰之構誣雖卞於當時而
諸書之醜詆猶且狼藉則 先王之寃痛益甚也不幸爭立之
說又出於負莽之漫錄而罔極之惡名橫加於聖上之身則為
今日臣子者其可憐之於己丑之已卞文字之閑漫而不為之
訟寃也哉馳价具奏瀝血籲天 皇恩隆洽 聖勅勤懇義倫

彼叙昭揭日星聖上天經地義之孝光前耀後之烈與 先朝

光國之慶前凌一撈則豈非東方千載一時之大慶也凡在含

血莫不歡忻蹈舞忭賀之恐後而喜壽亦獨何心亦獨何見顯

肆邪論敵敵異議謂 祖宗之羞不足當謂 先王之究不足

伸謂聖上之痛不足恤既曰無稽不根之說有以致疑於我又

曰初不待我國陳奏而下釋已盡拈出不近之文字時亂遠遁

之瞻聽多替辭說賜朕無忌以聖孝為非孝以大慶為非慶掩

蔽盛德沮遏輿情其無君父蔑公論之罪至此而無所避矣請

命削奪官爵門外黜送以絕邪論之根抵答曰已諭不允沈喜

壽必有所見而如是獻議勿為煩論○丙子金符男家內擲奸

○司憲府啓曰分兵曹佐郎金澄門地卑賤且多悖戾之行前

為台洪都事已有物論况此分兵曹清選累有極擇之教不可

以如此之人一日苟充請命罪職答曰違差○兩司合啓秘密

事連啓領敦寧府事沈喜壽削奪官爵門外黜送事答曰已諭

毋煩以予之故大臣被黜豈非未安休煩可矣○丁丑改院啓

曰 宗系雖卞而黨逆之惡名猶在學誣雖言而諸書之醜謗

尚存九有血氣莫不痛心痛骨幸賴誠孝格天克卞先誣 白王

恩隆洽 聖勅勤懇臣民鼓舞佇見曠古之盛事而異論橫生

大禮遽停舉國颺望歸於落莫豈不大可痛鬱乎告 廟陳賀

等事請依禮南啓辭速為舉行臣等職忝近密區區之懷不敢

不達惶恐敢啓答曰大臣之議不一何必強行停之可矣○兩

司合啓秘密事領敦寧府事沈喜壽劄奪官爵門外點送事答

曰已諭○戊寅戶曹參議張世哲上疏請均民役格國用○弘

文館劄于大槩沈喜壽之罪快從公論事○兩司合啓沈喜壽

門外點送事○答三司曰只罷職勿復煩論○合啓秘密事答

曰不允之意已諭休煩可矣○司憲府啓曰今此厚誣之快雪

恩勅之施降宗 聖天子曠古之異數我聖上光前之盛烈也

不但 祖宗陟降之靈感悅於冥冥之中舉國臣民莫不歡欣

鼓舞願陳賀儀不幸因一邪議遽下停止之教不思所以慰

先后而副羣情豈可使無前大慶掩置而不舉乎請告 廟陳

賀等事令該曹急速舉行且謝恩使之行不可順付節使依舊

例特遣大臣事令該曹亦急速定奪答曰不允之意已諭休煩

可笑他餘事依啓○司諫院啓曰 皇初起降 先煙痛下我

國之慶孰有大於斯乎告 廟陳賀在所不已則該曹之清行

改院之啓稟良以此也况謝恩之行不可少後作速差送明有

前例不可以一種恠論有所淹滯以稽盛舉告 廟陳賀等事

請令有司急急舉行謝恩使以大臣差送以副輿望以重大

禮答曰依啓謝恩使大臣差送事今該曹議處○答右議改鄭

昌紆十六度呈辭曰此非大臣辭退之時調理勉出毋庸更辭

○己卯兩司合啓秘密事不允○司憲府前啓尹侃尹時俊改

正事新啓楊徑理衙門約矣投書抵毀朝廷被投行刑罪人趙

吐里之同黨李春起者當初黃州官繫送時中途逃縣購捕未

得今者捕盜廳因人發告捕捉於報恩縣監李楊休行廊則渠

之招辭隱接其家十餘年生長子女云為家主者雖不可謂知

情而聞見莫不駭恠清命罷職答曰已渝不允李楊休事依啓

○兩司合司沈喜壽削奪官爵門外點送事答曰已為罷職不

允○庚辰義禁府啓曰李春起介叱同等白捕盜廳奉傳旨移

日本府右賊人等在先朝錄名極重自本府推鞠事體不重清

三者交坐窮推何如傳曰允○傳曰凡官有身病則呈辭者舊例也近日三司之負不為呈辭或上疏者比比有之此乃近來添例也今後身病上疏一切勿為捧入依舊例呈辭單子捧入事申明舉行○禮曹啓辭傳教云云告 廟陳賀節目則依前例次等舉行而謝恩使自前隨事輕重而差送令番 皇勅之降宋是無前莫大之慶則依 先朝差送折恤崔湜例差送時任大臣為當而今無可遣之人一品重臣議政結銜近 勅後二十日內茲送宜當令該曹急速差出何如傳曰允使臣事議大臣以啓○傳曰合司啓辭勿出朝報○合司連啓沈喜壽削奪官爵門外點送事不允○合啓秘密事不允○司憲府啓曰王獄罪人保放雖創開於近日保放之後所當待命於當初保放處不可任意擅離而罪人許國初與李顯門不測之說倡和於泮宮之中厥罪惟均因一時病重得蒙保放而乃敢橫行出入於畿甸之邑交結不逞之徒鼓動邪議無所不至為他日基禡之計其不畏國法假恣無忌之罪不可不治請命還因依律定罪答曰依啓○李已左承旨韓贊男啓曰凡罪人保放因

一時病重而特命非永放之謂也豈可使之任意出入有若全
然無罪者哉臣忝冒該房常招禁府都事淫獄凡事屢為嚴飭
則都事答以晝夜不離試察云云臣不能目覩而躬閱豈知能
賊橫行一至此哉所謂許國即詬辱君上之賊黨也至今不犯
王法不行倫化已絕而許國之保放亦可謂天地間恠事奈何
身為賊黨而至於保放保放而至於橫行乎臣伏見臺諫啓辭
臣之不能檢飭之罪無所逃矣臣伏地惶恐待罪傳曰勿待罪仍
啓曰金吾郎之專察獄囚勿論保放所當檢飭有無臣日申飭
使不得任意出入而本府都事無意淡察賊黨許國恠行或向
之間極為駭愕請當該都事推考傳曰乞○朴承宗辭職疏答
曰省孰具奏但此時決不可遽易今姑出仕毋庸更辭○幼學
崔起門上疏請亟行八道大同之後○弘文館劄子沈喜壽罪
快從公論事○壬午司憲府啓尹侃尹時俊改正事不允○以
趙有道為舍人柳淪為獻納柳忠立為輔德韓詠為文學李弘
燁為弼善李造為濟州牧使朴宗曾為說書○癸未合司沈喜
壽事答曰已為罷職毋庸煩執○合啓秘密事答曰淪之已盡

毋庸煩執○甲申合司啓沈喜壽事答曰已諭休煩○弘文館
劄子沈喜壽罪快從台論事答曰已諭休煩○乙酉右議政鄭
昌衍十七度呈辭○吏曹啓曰黃海監司書狀向前朴晉章初
因監司狀啓既已回能點又因監司狀啓旋復其官事涉顛倒其代業
已差出狀啓內辭緣舉行安徐傳曰朴晉章仍任催促下送○丙戌
傳曰權縉以勲臣久在也密畫心討送以偶然妄作之事至於
削黜今已累日放逐職牒還給循少有幹辦之才為人先險貪
鄙於丑之獄携當鉤距以媚主一意交結宮禁顯行賄賂王惑之
故有是命蓋李冲李海之類而持論與爾瞻大同而少異矣○
以柳忠立為司僮正李之率為待教韓吸為檢閱柳驛為正言
○丁亥繕修都監啓曰國有大役工匠催促之令不知其式度而
外方之臣略不勳念視都監之令有若風聲之過耳無意舉
行極為駭愕其中開城府卜宜瓦匠石手畫僧通共數十餘名
而無一名捉送行文催督不啻再三至於色吏推捉而每以一
張文報稱煩不送本府以舊都維府人物繁庶豈無石匠若干
名而全然不送至於此乎况石工則皆是上年付役之人因日

寒停後姑為遣還二月初生使之起遂矣至今不為督送在為
駭愕請開城府當該郎一廳為先罷黜以警怠慢之習傳曰九○
戊子傳曰赴京使臣所當十分擇擬而以年垂七十多病衰老三
度赴京之人苟充備擬以致煩教遠易格為不當吏曹堂上郎
廳推考以正二品官格擇並擬○以兵曹判書朴承宗初度呈
辭還下給傳曰也日非但有舉動獄事久滯尚不得決亦甚未
安今姑勿辭出任察職○答右議政鄭昌衍呈辭曰予意已盡
諭之卿宜安心調理痊可即出○己丑答吏曹判書韓孝純劄
曰予意前已諭之宜勿更辭調理而出○同憲府啓曰義州為
府境連上國窺我國之西門物象地大素稱難治而近緣唐差
往來咨報絡繹酬應之際械闢甚繁為非才無文武有計慮者
則決難臨枕而善處矣伏見備邊司諸宰所為難極一時之選
而不無望輕秩卑之人混於其間取前薦中別加精擇若干以紓
聖上西顧之憂請令備向更議施行答曰當量處○庚寅四方
昏朦若下塵雨○壬辰兩司合同沈喜壽事入啓答曰大臣罷
職已重豈可至於削黜乎且先朝大臣相繼被毀豈昧未安

休煩可矣○弘文館劄子大槩沈喜壽快然論事答與合同同
○司憲府啓大槩士大夫家屬出城者令五部摘發重治事答
曰依啓○癸巳繕修都監啓曰昌慶宮營建時所用雜物上年
十月分宣于各道以正月晦日內上送之意即為行移其流行
文催促不知其幾度而各道一向緩慢無意舉行以致所用雜
物將至三絕極為駭愕不可不別為嚴督請慶高台洪江原黃
海金羅等道監司並為推考傳曰久○右議政鄭昌衍十八度
呈辭○甲午壬命性智施文用等相擇新宮基于仁王山下王
納李懿信之言將營交河新都而衆論俱起故未果性智施文
用等知王有窮極土木之意密白仁王山下可營宮闕王大悅
即命相基李爾賸密白若傳交河之議建宮於此則民必子來
矣時羣臣方爭交河事至於仁王之後則不復爭矣○領議政
啓曰今此仁王山下相基之事事體重大竊未知其言之無欠
與否而政府只有臣奇自獻極為未安左贊成朴弘耆乃是觀
象監提調使之同答為當啟性智在備也自言能解地理方
書而目不知文字以謔者論風水其言不依古方惟諂可笑乃

倡言仁王山石山突起甚奇又仁王二字乃是古譏若王者居
之曆數可迄而太平可興又曰國初卜社稷基于此當時術士
必有意見且遷社稷於他所而卜宮其址君父享安則社稷亦
固當遷何疑聞者大駭遂卜基於社壇牆外先是社祭飯甌自
鳴聲聞一里未幾卜宮壞牆拓址人以為其應仁王釋迦之美
稱也山舊有仁王寺故名性智寄奕其母骨于昂原安骨浦佛
母洞曰吾後身為佛浦洞名皆先兆也蓋洞本名火池乃爐冶
之異名也洞舊有鐵籠故名火池與佛母俗音相似故幻而稱
之性智不脫方言故文以俗說皆此類也○乙未傳曰繕修都
監郎廳監後官付宗職事傳教已久而只尹侃外別無舉行者
經遠待闕舉行事言于吏曹○兩司避嫌大槩佐等將沈喜壽
罪狀合司論列已逾再旬非但天聽愈邈及下未安之教不可
仍冒厚格物議請命罷斥佐等之職答曰勿辭○答韓詠疏曰
省既具悉當留念而議處焉仍傳曰追刑事議處○以李德祿
為舍人李尚恒為司書李挺亢為副應教○丙申司憲府啓應
教朴鼎吉問事郎廳故洛深沈二字罪抗拒收職牒進來推考

啓照律○丁酉大司諫鄭造司諫尹訥獻納李昌廷正言柳韓
啓曰臣等伏覩再昨聖批以尹英賢見嫉於人無故失職為教
臣等俱以無狀待罪言地頃於沃川郡守署經之時物議皆以
為英賢曾與朴振國降附逆賊臣節已虧至今尚全案為生成
起廢補官猶不悔改到處貪縱略無顧忌前汝臺評案是自取
國人之憤久而逾激三度越署出於公共之論渠之失職豈曰
無故亦豈曰見嫉小無一毫私意於其間而聖教至此責在臣
等何敢自以為無失而偃然仍冒牙請罷臣職答曰勿辭○已
亥政院啓曰保邦無他唯在於鎮靜民心而已夫下民至愚易
以煽動若不鎮靜之則必至於渙散而思亂禍之前代梁民之
不禦外寇養民之欲其寇至亦之饑矣嗚呼天不惠民存降凶
歎積戾之歎八方同然至有不堪飢苦忍以自縊哀此無辜既
無恒產寧有恒心加以近日天之不鑒言既已慘矣經亂餘民安
微吹蓬慄慄危懼了無自安之計民心動搖已極矣臣等目
覩民心之如此每慮外侮之或乘不意北轅播遠近驚動浮
言一唱都中涵懼大小之民鳥散魚駭加以仁王山下相基之

後民心益搖不可收拾占垣之內民家甚多遷徙無所者號
哭載路挾威勢者強奪人家自上雖下姑勿驚勅之教既曰官
其民不敢居愁歎之狀固有紀極差官發賣布屨之民膏血已
盡將至散已噫外而遠方內而都下民心之驚擾怨咨一至於
此土崩瓦解之勢迫在朝夕既有警急則誰使親上而死敵忮
伏願殿下引擡臣僚屢賜咨訪民生之疾苦使得面達上下之
情意俾獲交孚不為雜術妖說所撓永寢離宮之命量許茲費
以充豁慳可減之徭特蠲其目可罪之後特寬其力使東作之
民無失其所則慰悅民心豈外於此哉民心既悅則邦本自固
而國勢安矣且用刑之道貴不留獄今若王獄罪人乃其已完
之餘而彼得放者特未專放身有罪則當刑非辜則可釋而淹滯
至此今難判義禁以病不出自有他堂上伏願殿下特速命完
獄不勝幸甚臣等目見天災民怨不敢終嘿惶恐敢啓答曰啓
意具悉當留念而量處焉時奴胡賁我聞市故有發賣之請又
連累罪人情宗顯白無據者例以賄賂保放保放既久又納賄
然後特放獄事之滯以此

光海君日記卷第一百一

(B)
732.55
4724
[v.17]
no.22
0248780

昭和八年三月二十八日印刷
昭和八年三月三十一日發行

(景李朝實錄鼎足山本)

京城帝國大學法文學部

京城府蓬萊町三丁目六十二・三番地

印刷所 朝鮮印刷株式會社

(B)
732.55
4724
[v.17]
no.22